



盤洲文集卷第三十一

記九首

碧落洞記

自通天巖南行六七里有洞四碧落前後穹壁堵立
剗中如虹橋有澗水從南來西折直貫而東廣或倍
尋或數尋深不及仞觸石有聲如鳴環如奏琴多石
鱣魚斑斑然白黑成文羣嬉若無人乳蓋殊狀垂光
紺瀾洗雲茹日山含餘滋水南一石高丈餘其巔有
坑骨後人斷函以周之登其西崖可望兩崖中斷規
往不克水北地平夷可陳几席咸植杖而休焉是日

也氣淑風柔長松老榕分影入懷心由境清埃盪自
遠茗退抵上流書枉得之令曰得一字者酌一分衆
皆離坐蟠石接杯第飲數多者則雜然以笑雖事木
方古而歡亦自足洞口有蹲石具吻臯曰蟾蜍惟肖
外有穴名雲華室燭而進可十許丈石中綻如戶隙
小竇在旁皆不可入昔有燔薪通天巖者煙自室中
出唐周夔謂之到難予以省親嗣歲再至則到殊不
難也桑榆牧照俗駕請迴循澗東北行采甘菊香留
古本返顧猿鳥樂不汝如涉澗穿叢蘆出松徑不一
舍到郡

城廣州記

域民必以郭郭作室必以牖藩三尺童子且知之不
足乎列也苔侍陋而城惡不治浹辰失其三都春秋
書城二十有九或妨農或踰制穀梁子曰凡城之志
皆譏也孫叔敖築沂量功命日不愆于素君子躋之
蓋天下之事宜為而不為則廢未可為而為之則弊
為可為於可為之時則利相廬方公以奎文之直摠
戎南海明而怒威而不猛剗剔疵蠹日無通事圍行
屢空枹鼓沉聲郡有中城合東西而三其周十有九
里自中興洗兵典邊者寢局弛柝弗以復隍遊慮雉

堞圯剝不絕而登灌木盤根上侵睥睨仍遭覬覦
閹頓仆重門夕不可開越其闕若將壓為主鑰吏無
以孰何姦宄衆迭請公猶新未議紹興二十二年秋
盜發章貢公既馮牙遣師曰城也時哉則增睥睨閹
躬行巡功鎧甲弓刀迴救迴礪盜果掃蟻穴南鄉闕
我五嶺既攻大庾謀者知吾有備而官軍且至遂解
圍宵遁公不以盜去徹警棧規七邑屬役賦文料材
訪上官出奇羨蟻介無斂斤斲墜塗弗扶自勉以明
年正月克成闔以枚數者五十四并幹烽櫓以楹計
者二千四百三十有四木甍壯堅金革剛壽足以耐

悠永蘭石渠荅以守之具靡闕山谷老禪始至近郊
遙望辟易色然曰豈山移蜃吐耶徐而察之則麗譙
曲敵一新于崇墉之顛也乃相與歌曰我有荆榛公
薶翦之我有茅茨公安堵之與梁既成如蹶通達提
闕既作舟遷其危凡此巨防屋坦持持儵觀厥成役
不我知父我母我懼公之歸抑又聞之熙寧年諫省
程公初築西郭外臺閹然不息至內閭孫公葺三城
於宣和中有旨漕臣同其畫而時病其擾今是役也
畢而民驚之則材智方略瞻前豈不相萬某既墨筆
記其事竊謂季勳鎮并賢於長城惟公文武備足折

遐衝於千里外雖不城可也然為可為於可為之時
所以利後之人云

賦歸亭記

南海伯方公撫封之二年因扞城餘力葺亭于高墉
之上壘燾前陳澄瀛旁立煙闌雲舒境與心遠舊目
之曰居公以賦歸易之或問朱買臣衣繡而夸歸張
季鷹以蓴鱸懷歸陶元亮不能折腰而言歸今公之
名亭者何曰買臣憔悴長安徵幸郡數大喜過望真
欲駭印吏驕故妻而已季鷹栖一王國掾事非其
賢故寓物解印綬去我公自中都宜三極使者節再

秩二千石連牧二廣莫府尊嚴僚佐將士走階祀企
光塵豈斗米而羈宦者視朱子五十當貴纔丘垤耳
盖人方以筆橐期公而公謙不自蒲非逐々然務祿
者緣飾餘閒登臨徙倚北望中州有征夫前路之問
想客星之釣臺記詩翁之舊隱躍然動歸歟于中公
之心則然也唐鄭權以秋官常伯抗節斯鎮朝士賦
詩祖之韻必以來字韓子序之曰欲其成政而來歸
疾也某之意云爾客曰然遂以書于石

師吳堂記

領以南廣為一都會大賈自占城真臘三佛齊闍婆
卷三十一

涉海而至歲數十椀凡西南羣夷之珍犀象珠香流
離之屬禹不能名尚不能計其俗逐雖刀顧利而背
義其地去中州最遠毀譽之實或不上聞彈冠者玩
物奪志素絲之聲損焉自飲泉石門丕變遐習表然
與夷齊爭光千載仰之如秋月冰壺聞其風靡不以
四知自飭若宋廣平盧奐李朝隱之倫咸有淳則皆
塵其後矣先時廣人粥物于官率不得讎紹興辛未
桐廬方公以警序之舊自桂林移節來鎮班錄之初
以尺板揭免行之令約官屬投適市者於是斂手無
犯公私不二價罷閱貨之賄償禍梅不以粵裝遺子

孫類皆方駕前躅政成多間略舊址作新堂不取遊
觀為名而以吳公為師可謂知所勸矣夫弈者必師
秋射者必師羿治蒲必師子路治潁川必師韓延壽
使治廣而曰吾以子路延壽為師則迂矣雖吳無尊
主興邦之業見諸立朝然厲操律貪在廣無出其右
亦猶佩韋弦者各求其失非若齊人知管晏而已前
史載治廣者必褒其清匪以循良明允之政為可略
蓋清于廣為難也堂為屋五楹不臨方池夫容藿靡
間見竝蒂其西有亭曰緩蒂有齋曰舫其南有亭曰
瑞蓮其材得諸繕堞之餘其役則黥其工則傭其費

則官其經始以癸酉三月之丁未其成以五月之辛卯雖莘不越制而雄爽靚深可以稱連率之居而洗海瀕之陋公斂惠游歲百廢具舉今行於庭戶之上而人樂其生於田野之間街談巷語惟恐公一日捨之而去今將西帶城駁上顯列彰施綴畜兼善字內後人思公而不可見來仰斯堂曰此方公之甘棠也皆當肅然汛掃必葺尚何翦拜之有

恕齋記

吾友桐廬方稚川端士也造其室左琴右書生胡床揮麈尾香鼎茶甌相對所談古今成敗人物賢否夫

章高下而已終日達夜無祿利一語其於人非必輔君如臯伊傳道如顏孟字民如黃韓行師如穰苴太公然後為至有一善則稱不容口於文非必欲鼓吹五經黼黻河漢而為工隻字之妍無不擊節故持甚高之論執春秋責備之法者聞稚川之言有慚德嘗曰吾少也性褊且急凡應接指呼之際小不惡意則怫然于中如有物蒂芥不能茹也久之益不自樂曰泮然悟曰天下事孰能盡如人意耶而吾一日間十不悅者八九為吾之方寸何約結如是遂法佩韋之成名所居曰恕仰觀俯思期于允蹈始時勉強矯操

徐而安行之以厚省躬以約待人試媒相忤各以理
遣昔者之愠今者之和為方寸者迴泰然以適有與
吾道同志合者又推是而告語之子不可以無說予
曰斯理明甚多僻則贅夫拔逐蠅之劍不如受汙羹
之衣覽擲椽之鏡不如善遇溺灰之吏察淵中之魚
不如耗雀鼠之不問所謂一言可以終身行之者聖
人豈欺我哉

癡拙堂記

上系統二十有五年悼諾任者以了官事為癡履忠
信為拙策士以問越明年息平守清江傳公酌斯旨

以目其堂屬予為記予嘗恨以子墨薄技由捷徑躡
取一第不得奉大對幸公之請一吐之蓋作車欲其
行陸剗舟欲其濟川否則薪之可也梓人不知繩墨
胞人不閑力也酒人不辨麴蘖則易之可也建官賦
職豈使飲嬾息而謀田宅耶自典午世哀抱甕捉塵
煽浮虛之談以偃蹇為高倡往為達始有癡兒了官
事之語夫亘地之廟民編之夥使能者袖手不才者
具員以饗祿事勢如絲矣十室必有忠信乃詆以為
拙則挾私飾詐之風競起散醇以澆奪慙以偽欲望
艾安猶跛躄而陟嵩岱也昔夫子嘗為委吏矣嘗為

乘田矣亦必當其會計遂其牛羊不聞其有癡之訖
又曰言不忠信不可以行于州里不聞其有拙之說
仕而不師夫子名教之罪人也公當中興之初操漢
節使不測之虜固已行其忠信不負乎官事矣今攝
麾海濶能不鄙夷其遠既自警又以激居位之士則
仰公之堂息者勉於力器者返于朴以副吾君憂治
之意此春秋之法宜可褒也

爽堂記

真陽五嶠之醜地也郡城不百所步財足周守居曾
巨室垣墉之不若其民茨竹為屋人豕雜孫四壁不

縵一室張燈則光泆比字紹興癸酉於是家君謫七
年矣某再至亦四換卉衣初寓法林寺溼與庫窄虫
門茅不見人四旁皆狐虺所穴懼然惟盜之患今春
始以四十萬得馮氏故廬倚山作此繁木護其後家
君枕疾既久足未良行居之即心開目明疾亦少間
某絮劑之隙理策躋巘則放然有丘壑之趣失其身
之在瘴霧中也西北有小堂印首舉踵覲天渙之未
御親輿以返遂謂之企歸作亭于南倚牕寄意故以
南寄標其巔其左有二離支高竊四尋茂葉童々如
蓋南荒多著休其下赫曦不能通西山橫前煙除雨

歌則造岫崖壁或立或奔恠竒綿延呈街天巧於是
立屋四楹曰爽堂有鞠數本直籬之東誦悠然見山
之句遐景若人輕去印組如脫展則鞅鎖安能院我
治小軒以思陶為名登梁之日有文曰九夷欲居况
在王略一日必葺少安老親非虛語也

慶喜橋記

中番城有湖曰澹浦大隄橫絕屬市西輔小隄湖判
而三唐為放生池自刺史顏魯公始我宋景祐中文
正范公名隄之橋曰慶善而屋之後百有七年尚書
郎丹陽洪公揭使者節考故迹請于朝而俞居士何

橋與隄竊圯屋腐且匿又八年公佩州魚既合左右
契益嚴魚盜之禁植以夫容甬蔭動物會浮圖氏法
照勸民財治隄照无惠不德滿繼之公縱史以迄其
成礫甃堅剛如履周道而橋而亭檐楹華好行人排
肩知泳游樂沉竿績蔓交臂更心思勰盈叔騰舞後
光挈三章兩今昨禍去明珠獲來絕竟望報湖上有
大蘭若即晉王史君恢故廬舊祠其中公始等諸命
祀凡禱塞必詣焉昔者渠以鄭名城以先祿名里以
高陽名亭以益名皆同事有紀斯橋受名於百有七
年之前而公之字也兆豈橋之葺廼待公而顯耶公

於書無所不讀讀必立訓傳資以飾吏決事并苞四
科游臨吾州歲滿借一液枯耘弊謠匝于下今將更
治廣漢布颿而西留不可再於是州民洪某抒輿人
之情伐石筆事使其瞻扁榜台棠之思不替作詩曰
湖紋縷々相忘國々人見魚樂茲橋之下車徒憧々
戾止融々魚見人樂茲橋之中人不魚貪魚無人驚
我公之政清淨艾寧帡幪芙蓉衣被芟蕪彼河伯氏
族衍以老擊水涵雲往從神龍變化甘雪長為年豐
公多受祉鮎背鯢齒匪柱匪梁孔甘斯崇

萬卷堂記

同郡張伯壽學邃而根談壘彌堅權古訂今聽者古
本為強下至黃車稗官叢瑣之說袞々不窮暇日踵
其門升其堂則緹帙縹囊鱗貫櫛比左右環列而以
万卷名之伯壽儀佯其間如朽腹者之須哺倦游者
之企歸執熟者之思濯清風弗造次忘乎心故粹於
論議豔於詞章其理宜也夫六藝出秦埃至今千三
百餘歲鉅儒翼其道鴻筆鳴其文螭坳所紀金鑽所
書嵐齋松牕之所纂削方殺青日紛月物好事者汲
汲而求之終其身未能以盡致世之昧者侈金珠袞
阡陌以為是潤屋肥家之策聞韋籬語則曰若此其

疎闊也間有垂籤駢架雅：未觸以市夸名釣虛譽
亦百無一二伯壽簡心端思宅無嗜玩旁哀博訪惟
恐與篇異贖之不我有手抄日校黃墨謹嚴漱其華
而味其腴曠其要而聘其妍俗客焉來未始塵滓斯
堂也或曰張君兀：茲久進未能取一第以施其志
退無負郭之疇可以躬其耕書多奚為吾應之曰志
於燕者不返旆於晉郊志於蜀者不弭楫於楚澤志
於道者豈以世勞自榮為之言耶伯壽之心子何知
伯壽名磁紹興乙丑鄱陽洪某記

盤洲文集卷第三十一

盤洲文集卷第三十二

記八首

荆門軍守廳壁記

官寺有壁記舊矣建撫者棠陰不翦去而闡達故瞻
前而法則景慕之心生或咈民流毒則後之人指以
為戒地無小不可闕也荆門領縣二長林在唐賞為
基州當陽亦為平州又為玉州無名人典城竹帛所
弗載我宋開寶五年始立軍壁凡百有二年而廢：
十五年而復：七十一年矣夫豈無賢否可為龜鑑
訪之先沉跡絕而殘碑脫簡與老吏所記僅得數十

人名氏離、落、如晨星然不晝人將湮滅若官稱
歲月不可得而悉也中興初僑治四健攝承者去來
不常一切以便宜從事無律令之守暨再選武臣薈
荆棘茨驅其狐狸虎狼然後人復見炊煙上十年間
文吏踵相躡者十一輩勞來休息戶口少、增加解
龜而往則一人持侍崇三人持節于蜀予駕下安敢
望前數公益所謂法則景慕之云爾

風月堂記

宣城于章子蓋新安郡之數月拔園葵作小堂竹以
風鳴月在花下誦宋玉謝希逸之賦哦翰林公三千

首之詩不指一錢清景自致問名於番陽子洪子洪
子方為癡兒了官事籍書橫陳思慮不越几格顧嘗
登高墉之堂臨東偏之觀左規黃山右迎紫陽峰巒
層出應接不暇曾不辨發一詞以詡景物而塵埃迷
人江山愁予介然亦莫吾答也今章子無一於是直
欲挹浮丘許聶而友之清風佳月蓋專鄉獨有可以
驕穉子而千萬非所能中鴻溝而東西之也待以名
茲堂豈其不然若夫歸雲赴山丞椽且去涼颼徐來
常城顧影停杯攬結奮顛長嘯子將進胡床于坐隅
必有亘野王為公作三弄者

漪嵐堂記

郡邑其員吏大小各名一職莫難縣令其在郭丙者
又非支縣比雞初鳴入太守半刺史謁舍首下兀高
次且囁嚅移晷乃得返編戶民數十百輩堵牆戒石
下盈紙撰牒以次俟判而去甲乙閱于前偽辯蠹出
黑白舛午儻昏墜遮鈐左袒右華與心謀如射隱覆
地當孔道則賓客史卒去來東西舟輿錢粟之請雜
然寓公執人或掣吾肘百諾一否毀言即聞三四十
年來又不得比曩時民曹計臺符移如星火縣官之
費自什其政緩、罪為乏興駭而圖之則民且伐鼓

投匭而訟令之難如此癡兒盡日不能了簿領得俄
頃退食氣不暇吐無復對妻子理家事有况乎山水
清輝之樂尋陽為江湖一都會德化又州治所集縣
之難於是為至南昌黃子餘蓋涪翁諸孫為之期平
損顧成政提封百里無難之可圖莞然笑曰吾亦有
所休乎縣故有堂曰漪嵐在城西墉瓦缺楹腐舊令
尹履聲不至久子餘始復與同倫消搖其上吐吞湖
山批風揖月以賦詩飲酒不足為事予昔為玉州
遊江上寓目為明年移歛東還邀我作記夫據胡
床弄塵尾劇談清嘯不知身之在壯哉縣則子餘優

為之後之人乎有子餘之才然後可以易其樂不然
樂未遂而難已湊堂與人復胡越矣

徽州先達題名記

徽州先達題名二碑紹聖九年者太守岳陽黃公誥
所立紹興十一年者太守新安汪公藻所立前後刻
畫參差不齊因訂正譌闕治它石旁行之始秩：可
觀覽學者墮蠹簡中白首不暇釋儒冠誤之多矣名
鴈塔者不百一又沉末班俱草木以腐不有標榜則
後日何從知之碑之上或父子兄弟梯級相屬唯然
如南箕北斗人望而仰後生有志之士摩挲石刻知

名之不可以已退將益勵其業則奮迅接踵端不終
日以副賢父之誘掖縱史之心將於是乎在予十一
世祖繇歙之黃村徙番之樂平兩郡犬雞相聞瓜瓞
桑柘之畛魚鱗雜出昏姻東去巷南巷北如也然則
徽人先達之志蓋予所樂書者

資福院記

予少時歸故鄉朔日家塾得休則與羣從兄弟放步
東阡北陌間抵洪源所謂資福院者了昇師實尸之
方崇飭佛廟塗治像設它屋歌朽僅相支柱藩板甃
斷榛莽木理後三十年予持使者節過家上冢復至

茲山則向所經行屹然大變樞楹前後丹殿相輝蒼
顏壽眉師之主山如故也師曰吾處此四十有二寒
暑手植庭前之木可抱矣旁近皆儒家地境瘠耕之
無所得居者伏臘或不足雖有事佛之心無多餘之
贏可以相沾句我薰唄所獲一錢不費縮衣節口寸
增銖累視其腐者撤之闕者裨之漫漶者鮮之片瓦
尺椽心管指畫華殿高門以次改作吾徒食有厨寢
有堂行有廡非一朝一夕之上也今老且死願一言
以垂後之人予歎息之曰自佛法入中土屢欲滅而
復興孰主張是而然耶國家禁僧不度二十有餘載

緇而錫者耗矣雄都壯邑鍾魚息響廬其居孰其地
者比々有之斯宇在山林幽獨之中游子履齒所不
及殘僧一二輩不絕如綫老師不以教之將廢勇猛
精進頃刻必葺以迄于成既祝髮之門復開嗣之者
得瞻仰棲息以化人趨善欲不記可守院蓋南唐保
大二年蜀僧道真師所基云

得江樓記

江出岷山行萬里至于朱方受浙引淮益大以肆衝
激洄折過海門而東之朝生洲滅不見垠隄駭濤靜
練瞬息異狀金焦二山屹然中立形勢雄絕於是為

最昔人謂長江當百萬之師而曰天高南北得其險也至于轉漕得之則陳、銜舳費減流馬浮家者得之則布賦千里朝發夕屆行商得之則租載奇貨什一可逐騷人得之則可以導詞源助子墨漁者得而網罟耕者得而溉灌算計見效隨其所得江固自若也予官寺占鉞甕之西登墉以望巨浸橫前境與心遠有地數晦穴闕高下吏卒散處猶蜂房然會羽書不馳官事少閒徙茅茨去蕪穢立屋其顛以得江扁之右為俱軍之堂左為花信之亭堂言職亭言景也當沉迷錢穀之間神耗思滯攬鏡自歎非復故吾侗

隙一至如起宿痾如逃醉御長川遙岑寄我清嘯陰晴朝莫無時不勝豈直吞八九雲夢而已顧瞻喪回以今監古考戰爭之陳迸憤侵陵之近事飲馬之役春秋所必報予再書下考視蔭懷歸天開風競中流擊楫後之人將於此乎觀之

淮東總領石記序

紹興初大參孟公開江淮荆浙都督府請用民郡長貳居建康總領軍須於是貳鄉姚舜明以選行其後狄人來約和我師之在邊城者皆歛而休于江之南分中都官置四總領京口建康武昌與蜀之利州其

理所也京口蓋上陽韓侯之師近歲又掌江陰所屯
凡供軍之物民部計其賢下江浙數州水輸陸送無
虛旬督其楛逗勸其能則有刺舉之權頗得淮鹽所
算酒靈所權以濬用月受諸軍所作戎器藏之庫歲
收營田所獲歸之官招選士卒則甲乙呼辨涅之于
庭下刪汰老疾則集有秩者第功伐如銓注之法川
蜀綱馬至別其良駑則印之瀕塞有玄市則提其要
凡關所隸者聽其訟或邊防軍政不常之事則唯朝
廷所命至於察虛偽謹出內抱公滅私則存乎其人
其表牋謝慶之式大抵同外臺以王人故序乎方伯

部使者之上所謂報發軍為文書或曰猶古之監軍
非也予短力弱材以毛銓于進金穀之事未之學也
代匱於斯旬有八月當量場未寧多壘增竈之際饒
道所出遠抵海泗而襁負東歸解編北者費益無藝
之興滿謫上印綬而去且有日國哀方整飭武備規
恢再造之業它時掃清胡塵歸馬偃革則是官可省
矣史無掌固文牘殘闕前數人已不能紀懼後來之
寤沒也乃掇次而志之石

盤洲記

出非郭左行一里所穿耕疇趨支徑有棄地盈百畝

延曠紆坦接西郭之衢厥形始銳如犁至其中浸廣
未財一弓不能及雙溪掖岸泓渟灣洄風生文漪一
眇無際足泉之所通也歲極旱溉汲撓之枯溪南
則營山之鹿去水千許丈限以蕪城對之若高丘然
山中壽松蛟奮龍舉溪北有隄隄外田可二三頃芝
嶺聳其東牛首蹲其西林岫相續如步障兩山之缺
工湖所瀦餘波薄堤下積潦驟漲混溪湖為一湖之
外皆瑰阜有深樾來車去甃以堤為歧我出吾山居
見是中亨木坡榛開道境與心契旬歲而後得之迺
相嘉處創洗心之閣三川列岫爭流曾出啓牕卷簾

景物岔至使人領略不暇兩旁鉅竹儼立班者紫者
方者人面者貓頭者慈桂筍筍羣分派別厥軒以有
竹名東偏堂曰雙溪波間一壑於歲舟為宜作儀齋
于欄後泗濱怪石前後特起曰雲葉曰嘯風巖北踐
柳橋以蟠石為釣磯側頓數椽下榻設胡床為息匿
寄傲之地假道可登舟曰西汧絕水問農將營飯牛
之亭于壑上導澗自古桑由充橋濟規山陰遺迹般
澗水剔九曲蔭以并閭之屋壘石象山杯出巖下几
突離坐杯來前而過坎者浮罰爵方其左為鵝池負
其石為墨沼一詠亭臨其中水由貞沼循除而西匪

于方也兩亭角方東既醉西可止改席再會則參州
柳子序歌之法以水流心不競雲在意俱遲為籤坐
上以序識其一真籤於杯而反之隨波並進人不可
私遲頓却行後來者或居上殿者飲正而沉者亦飲
當其時或併飲或累籌親賓被酒童稚舞笑不知落
霞飛鷺之相催也池水北流過簷蔔澗又西入于非
溪自一詠而東倉曰種秫之倉亭曰索笑之亭前有
重門曰日涉背梅林夾曲水越竹閣甘橘三聚皆東
嘉火宋臨汝武陵所徙又有營道廬陵之金甘上饒
之繡橘赤城之脆橙厥亭橘友禁苑洛京安新歙之

花廣陵之勺梁白有梅桐玉茗素馨文官大笑宋利
水柰山樊聚仙安榴袁繡之毬紅有佛桑杜鵑頰桐
丹桂木堇山茶肴棠月季葩重者石榴木葉色淺者
海仙郁李黃有本犀棗棠薔薇躑躅兒鶯迎春蜀葵
秋菊紫有含笑玫瑰木蘭鳳薇瑞香為之魁兩相
比芬馥昂來蒨則麗春翦金山丹水仙銀燈玉簪紅
蕉幽蘭落地之錦麝香之萱既赤且白石竹雞冠涌
地幕天茶蘼金沙生意如鶯蝶影交加厥亭花信林
深霧暗花仙所集厥亭睡足衆得于宣梨得于松陽
來禽得于顛於果品皆前列厥亭林珍木瓜以為徑

桃李以為屏厥亭瓊報西瓜有坡不甃有棚蔥薤薑
芥土無曠者厥亭灌園沃柔盈陌封植以補之厥亭
蘭瓮啓六枳閱度碧鮮里傍柞林畫桃李蹊然後達
于西却蔓蘿彌望充仞四澤煙樹綠流岬檣下上類
盡手鋪平遠之景柳子所謂邇延野綠遠混天碧者
故以野綠表其堂有軒嘉後曰隱霧九仞巍然嵐光
排闥厥名豹巖陟其上則楚望之樓厥軒巢雲古梅
昂峙橫枝却月厥臺凌風石顧高柯昂霄蔽日下有
竹亭曰駐屐壩洲接吟樓觀輝映無日不尋棠棣之
盟跨南溪有橋表之曰淥上游魚千百人至不驚矩

蓬居中曰野航前後芳蓮龜游其上水心一亭老子
所隱曰龜巢清颼吹香時見竝蒂有白重臺紅多葉
者危亭相望曰澤芝整襟登陸蒼視美竹據焉山楮
茂林濃陰映帶溪堂之語聲萬水相開倚松有流憩
庵犬迎鵲噪屐不東矣欣對有亭在橋之西畦丁慮
淇園之殫也請使苦苴溫菘避路于是拔葵之亭作
蕞爾丈室規撫易安謂之容膝齋履閱小聰奉忒不
再曰芥納寮復有尺地曰夢窟入玉虹洞出綠沈谷
山房數楹為孫息讀書處厥齋聚螢山有蕨野有薺
林有苟真率殺烝咄嗟可辦厥亭美可茹花柳失道

猿鶴後先行水所窮雲谷萬狀野亭蕭然可以坐而
看之曰雲起西戶常闕雄兔削跡合而命之曰盤洲
吾朝而出暮而歸非有疾大風雨不廢也或曰是洲
近在城隅而人莫有知者豈天墜地藏顯晦自有時
耶吾應之曰君未辨知昔者事吾亦莫能言方描篠
埋翳樵蘇之所不顧牛羊之所不履獨魚得其樂鳥
鳶鳧鵠習其幽且問爾吾杜闕休老無膏腴以蠹其
心無筦弦以蠱其耳天其或者遺我為終焉計以兩
地視雙溪孰輕孰重亦能從吾游乎乾道壬辰五月
十日盤洲老人洪景伯記

卷末

盤洲文集卷第三十三

碑二 小傳一

嘉濟廟碑

虔州直東絕貢水再百舉武翬然雷罔之上者曰嘉
濟廟入齊廬有古碑二其一唐宣宗八年進士楊知
新所立題曰石固王碑其一吳楊溥九年節度使李
德誠所立題曰昭靈王之碑其傳在漢初廟于崇福
里灌嬰過之神見于山至大中時民周諒被酒墜崖
下賈符爽泐表汀舟覆咸得神以存相與立屋徙祠
于此我宋嘉祐二年易故而新之圖椽宮庭革陋改

作十萬戶乞靈尸其戚休水旱致告應在漏刻異之
尤者屢書于石于板于壁具在宣和年賜重封
主上中興諸神受紀詔以廣澤崇惠顯慶為今王廟
得額則自大觀始紹興十九年番陽許公再為邦伯
時江西荐饑人畫無俚弄兵椎剽巢閩南粵之界兩
上村落居毗相聚保山澤贛江三百里擢不畫鳴
行陸者北達廬陵南逾領方盱衡相賀具夏且大旱
公齋洗磬折禱祠下者三神私于公北魁賜雨高印
泆洽槁稼蘇醒歲以稔聞噪譁之郡乃自毀鋒刃弃
窟而洗獷為和其明年復大穰方地千餘里夕靡

罷局米斗錢不滿百治安之風如王始封嘉祐時公
濟明以勤郡無留事召大姚二十五庭下曰來邦人
日夏閔雨上下喘神不我荅則民流於盜安得高
枕而卧廟老矣不除風雨是飲其德也皆曰諾不然
某何以生北心予神欲壹有所出久矣時眾推心計
閩敏者二人曰張鏡曰郭文振命以糾帥辭不能乃
分一番紙如其人之數書其二為正副字雜封之令
曰得墨者職如書各取其一開之則得書者此二人
也公喜曰神與心通豈由人哉眾皆喜即其日官助
錢十萬公又捐其私以倡出削牘為疏人人爭施無

一分纖嗇心二人具記木石瓦甍下至髹亞之物先
以家財二百萬分付心人者皆奔走市買不踰月合
凡所得又贏其半工傭有程不役以公不培於私
起八月癸丑閱二百有一旬有六日而畢屋墻室
畫繪光明山增昔容林祉無城內外小大擊鮮醢
酒再拜慶成歌以迎神曰貢之水兮會章而下東有
翔兮山鑿鑄企新宮兮夥神之為王沈沈者有酒如
江兮在岸有牲如山兮樂侑以雅俟神之來兮臚
騶亘野安且娛兮沛風馬已事又再拜為送神之歌
暇神兮叩神指懸懸兮父母我民水不溢溢兮旱不

悛焚我穡之好兮我粒之陳枹鼓卧兮蚤無屯馨賽
具兮予又孫歸福我公兮無圻予過而聞之竊謂度
為盜洲非一日積怯吏視魚肉唵呻猶越人瘠一不
以真衷猛者日尋干戈而乍伏乍嘯莫得蹤緒譬之
毒鳥妖草不可勝去孰知我許公弭盜自有神助乃
爾耶案神能効異於灌將軍則當先秦血食自古諸
布諸巖之屬綴祝官者甚衆至漢或存或毀後人已
不能名其神獨神庇於遠歆於遠更數千百年介然
有祠所憑久而靈其理宜也故申之以銘曰
石疑其氏以固為諱逢灌而傳涉唐則遷新廟莫莫

許公所作始佗臣漢有使無戰灌定豫章至贛之鄉
規欲取粵恐坐專伐胥然有聞漉酒還軍舊載南征
失誣相仍繼歌以詩用破群疑

休寧縣校官碑

學之名自帝有虞始涉夏子至周而選造棘寄之法
大備稽之經傳獨魯泮水鄭鄉校庠傳猶未能免于
衿之刺三代尚爾况後世乎漢興紹令長擇其民上
屬所二千石遺詣太常受業博士弟子負多至千人
而名存實亡諸儒但顯明教授士之講肄於學官者
舍文翁之蜀亡稱焉郡尚爾縣可知也本朝大振文

治更三四世而天下縣始皆得立學蓋黨庠遂序之
遺意然千室之邑間者闕然不誰何敗屋數椽立光
師象屢能行春秋余菜事庠聲序音泯如也新安領
百里者六休寧最大且有學而亦無以應令見為大
夫者併肩立莫肯垂意肯垂意者又病力不足紹興
六年南蘭陵陳公尉縣實能以經術文章起人慕心
凡邑秀民爭北向講席戶內人滿率坐戶外後至或
以無地莫能聽則相與言曰師如是我等不于學可
于乃度地於縣南以差出錢為夏屋五十楹殿居中
問吞有堂退息有舍門無炮溜榭榭井井口體百須

無器不具基於次年春正月成於秋八月又斥其贏
買書千餘卷陳公日日來與諸生論說自克舜至孔
子不脫口一經指畫輒得翰墨畦疇邑故廩鄉書士
不半百自是常過八百人拔第千廷者踵相躡休寧
之人益以鄉學為先務蚤夜弦誦洋洋秋秋有洙泗
之風後二十有二年予為其州邑中彥鄧尉吳稱道
校官始末求書其事于石越數日貢士陳篆與其輩
行九千有八人紛袍歷階請益堅予學無本原不足
以增所聞提筆紀實殆不可固拒嗚呼士之學者非
以繪絺章句為梯祿利也脩其身有以及諸人齊其

家有以化于鄉諸君以孝悌之道行于閭門讀聖賢
之書達則措之事業必有火過人者然後耐一國之
善士夫呻其估畢而行如市人吾黨之恥也今編列
民不知遊畔折券之說爭錐力之末以投鉛為能至
不幸有沸鼎之謗諸君當以所聞於師者為其鄉一
洗之

盤洲老人小傳

盤洲老人洪景伯名某初名造字溫伯亦字景溫饒
洲人高祖行第八妣章氏夫人曾祖考少保妣何氏
紀國夫人祖考太師秦國公妣董氏秦國夫人考徽

猷閣直學士兼直學士院贈太師魏國公謚忠宣妣
沈氏魏國夫人洪族本居徽州唐末避亂徙樂平之
東七十里曰巖前曰洪源凡百餘家世世業耕桑高
祖志操不群乃教二孫欲振起門戶自巖前常以幹
至郡去郡四十里曰涵港舟過之愛其水朝山遠可
卜宅兆於是每歸必以魚鹽遺主人雷氏歲久浸熟
秋成則買穀百許解分寄諸家嘗置酒聚其族曰誠
慙歲以穀相溷欲謀救丈地自作倉以貯可乎皆曰
諾獨一隻持不可或言叟性木彊不可回唯婦言是
畏困節嫗雙縑嫗語大曰洪八翁往來吾里如骨譙

內求一片地奈何不與叟即呼人書券相投高祖疾
革命家人曰葬我必于涵港倉下後世青紫當不絕
後十六年當元豐乙丑偵祖給事中始以遊士起家
人三十年政和乙未忠宣公繼之又二十七年紹興
壬戌某同年元弟遵中博學宏詞科後三年乙丑俾
弟邁繼之給事之後官者七今一人存忠宣之弟姓官
者九今兩人存子孫曾孫官者二十六今二十二
人存皆高門澤也忠宣在南荒常歎四秦氏置我死地
曾祖潛德焘後襁章無內齎恨泉下矣某既點西府
納所當轉官句高祖卹典且秦延恩臣下離極三世

稽之故事亦有特肥之伯叔父表花第者

上惻然賜可諸公議以大夫告第會同列銜曩隙諷
中書閤舍人安中為繳章謂人臣贈四世僭也某聞
之即上疏乞寢前請且俟罪閤亦坐他事即譴出差
之毫釐不獲仲志而彰祖德初忠宣連仕浙部因先
萬秀州及持節使虜某時年十二本秦國歸鄉以俸
入在秀州侍魏國以往凡九年魏國棄諸孤仲舅博
士公使奉喪來無錫依外氏以葬時河南復為上土
嘗擬宰臣賀表以齊人歸郟謹之田對宣王復文武
之上舅氏愛其語謂某曰甥若加鞭不休詞科不難

取乃同二弟閉門習為之夜不安枕者餘歲既試偶
中選宰臣進讀制詞

太上皇曰父在遠子其能自立可與陞擢遂得勅令
所刪定官次年為正字忠宣南歸即去國某以奉親
自列得通判台州甫終更英州之禍起台守撰碑文
迎秦意秦嗾言官上之坐免官又九年忠宣薨服闕
知荆門軍徽州提舉浙西江東常平以戶部郎總淮
東軍馬錢糧符離甲申之後緣淮列戍襁負來歸者
袂相屬共億之費左支右吾僅逃之絕軍興數倍遷司
農少卿還朝以太常兼權直學士院又權禮部侍郎

元弟罷同樞時相為某斬去天語令安職後三日與
右正言尹穡宿直同賜對選德殿

上謂穡曰洪某為人溫粹文詞有用論事皆可行褒
獎至再三穡出驚歎曰聖眷乃如此言者知旨意於
是無相撼心閱月遷中書舍人兼直學士院如故湯
岐公策免聞侍御史晁公武噴有語相學因奏乞身
上曰前日公武云湯思退有罪而卿稱之為大臣制
詞中無譴責一語乃其死黨朕令作平詞朕曰非其
罪公武執彈章在手乞留榻後已却之且徙置戶部
矣胡騎竄淮不退王師未解嚴某獨當內外制兵事

反覆書詔填委或一日屢易既尋盟首為賀生辰使
上謂副介龍大淵曰前日洪某侍玉輅上見其容貌
甚悴豈有聲色之奉耶方欲大用之可往諭朕意令
其自愛某荅之曰家素無侍妾近以法朕執綏車輅
撼頓夫其常度只尺天威有戰慄之色所以顏狀如
是還為翰林學士仍兼中書舍人輔臣奏自來無使
翰苑下兼西掖者

上曰洪某在後省甚振職且要其整頓綱紀故事給
舍繳駁施行者皆封付三省秦垧提舉太平宮某奏
秦檜欺天盜權戕害忠直當錮其子孫若一人奉祠

則其黨皆有彈冠之興源不可開即時 御筆依奏
乃封付某明日召對

上曰所論秦墳甚當異日有繳奏只批敕以來不煩
聯章雖朕意所向而不可行者但論之盈旬乞免兼
職

上曰執政有闕朕今用卿遂命書樞密院

上語二參政曰三省事與洪某商量早朝遂不先退
東西府同班奏事自此始閱兩月除參知政事中旨
朱彥宗知婺州某執奏彥宗雖故翊善子娶長公主
女家居婺州此命若出將駭物聽遂改秦州四閱月

拜尚書右僕射兼樞密院術士薛言中出入御史劉
貢門下同貢子為人求官於樞密使江明遠事泄汪
送之臨安會奏事

上譽貢能治錢塘寄因事云適已擢為殿中侍御使
某因白其過且言除書未啓當封還

上曰卿如此無隱向來宰執所無貢遂罷道人皇甫
坦以方技進常與石史陳天與同坐客舍與謁者導
陳光入坦怒不同升厲聲咄罵奮而來前探懷出一
餅相遺某擲之地曰君誠有道者何不學呂洞賓韜
光塵外而僕僕朝市正雖仙食非所須麾使出翼日

某奏通國以神仙待皇甫坦不議聖意以為何如人
上笑曰頗能治病布氣爾昨日中宮賜以酒陸薛時
已大醉言不倫所以如此某在位才百許日春多雨
上迎天空佛請霽天厨進素食某以燮調無狀獨章
乞罷出

上慰諭使安職諫議大夫林安宅侍御史王伯庠已
乘間見攻上隨事詆之安宅至居家待罪遂以觀文
殿學士提舉外祠明日

上謂參政葉子昂曰宰臣奉公守法純誠不欺近年
無如洪某者臺諫搜索細故不存公道安得如此人

而用之某當指陳殿中御史張之綱之失

上以謂敢理會臺諫之獨立無私終夕為之喜既而

劉貢又去故言者相憾不遺力不數月除浙東安撫
使林時在政地語人曰洪某若來奏事即避之俄而
殛於笏某到越歲有半復奉祠時仲弟在西掖

上曰觀文在朝肯宣力林安宅懷姦不能容今以三
請去姑從之有大藩闕即復用矣既歸得負郭荊棘
之地百畝雙溪來夾列岫如屏障尋花問柳移培封
植風亭月觀以次興作杖履消搖心忘其歸天光委
照察浸潤謗傷使得終老丘壑幸矣哉曰葬萊婦效

漢人立雙闕綴小傳刻其上

盤洲文集卷第三十三

盤洲文集卷第三十四

序十首

天台山石橋詩集序

天台標登陸之勝而石橋又八百里中嘉處世傳荐
茗有肖花之應異爵振其羽寶炬舒其光或遙望樓
觀夜出林杪隱然猶飛錫來往而聞鐘磬聲者浮圖
氏月之曰方廣寺流俗洋詡以是為茲山之靈然而
危磴憑虛狹不盈咫莓苔濟以滑足不可並兩澗相
會下奔邃淵牛童馬走以為過之者受社其行險苟
免則盱衡有矜色不幸一跌遂淪絕冥死且莫救儕

伍汗芒赳赳不敢維喬木予章蔭蔚前阜歎霄翳景
不風而賴橋端限以立石樵蘇無所從入其幽奧神
秀異乎人間世者非開士道場而何至于竒怪有亡
蓋不足為石橋重輕也予通守是郡命車一來向所
未信者固弗之見而環山十餘里間茂林繚結無復
鷄鳴鳴匹則固有神物司護之者蒼梧郡守桑君潛
山舊矣間餘治屐以遂宏覽之適念夫詞伯才子削
方留壁差然如鱗雜然如蜩閱時綿永黜聖漫漶讀
者有軒首神目之病而竒藻逸韻弗遑研諦也迺鳩
剏聯次自李謫仙以下得若干篇披為三卷且將鈔
幾有感而作

壺郵序

詩本二南以不妬忌為媿德彤史直筆以婉淑為良
範易曰男女正天地之大義也嗚呼士無賢不肯入
朝見嫉女無美惡入宮見妬國有和媚之臣則哀家
有孽蠱之婦則費近世一二甲族以妬名家婦彘其
始母傳其子誦言夸說以鉗制其夫為能施施不自

恥宗黨先後一有馴柔則群起以災之巧計以誅之
日陶月移薰蕕同臭昔虞通之作如記二卷王績補
之事或疎遠由唐至于今未能彙見也間因學餘倚
挾群編旁羅耳目所接得若干事披聲上爲十五卷以
閨中之過莫先于此目之曰壺郵不直云如記者微
其文所以深貶之也或曰劉子政著列女傳班孟堅
而下威踵焉今予不表其長而惟短之揭無乃非有
德者之言乎曰予政遠撫三代迄于漢可贊者百十
有六人兩都四百年不刊者十有七傳信乎有德而
可範者鮮矣夫至賢不待書而然至惡不待書而變

抑使中人之性知惡之不可蹈也懼後有汗音者不
吾置則洗然知所新所謂扶凶魂于腐壤啟懿行于
將來士君子鑒之徒以資其煩古而不能自儆人壺
郵之罪人也孟子曰晉之棄楚之檣杞魯之春秋說
者曰棄為君子之器所載皆美蹟檣杞則德惡之詩
兼之者為春秋是書其檣杞之流牧客不能難

送王秀才序

天地山川英淑之氣鍾而在人則為有德為有才為
有功名其乘盈不平之氣則姦險邪僻者得之至與
隸厮扈其去犬豕馬中一間爾而死生吉凶莫不前

定于賦形之始彼莫之而在上者初無私也易曰君子居易以俟命孔子曰不知命無以為君子古之所謂命者修己以期于天而已然顏子之天盜跖之壽則天固有不可得而度者至唐李虛中始以人之初生歲月日時推其十母十二子相生相對以逆知人之者折寔賤休咎若脉之診疾鑑之燭形了然洞見無毫釐差駕其說者日益滋而後之言命者始叛於古競于進者耳大官顯職則漱灑于顏間驚于利者則樂進藏繼多田之語學者得其術而不精守其說而不確庸引臆決以文其夸誕足佞之辭否是且不

能售于公卿大夫之門至使巧岐以干宦曲計以規財而尤悔踵之皆談夫誅之之罪同郡王生玩心虛中之書于其行也序以歲之

郭子先字序

汝陰郭子先侍親隄嶺相過于真陽復相會于番禺貌拙而氣和即之粹然甚至于學曰吾文以知彰名我而以子先授曹輩相謂盍請其說予曰天下之事發于眇末而藏于不測明者洞于未然昧者已然而不悟夏者人知其為熟冬者人知其為寒風雨日星人知其為風雨日星也夫能未風而知雨方炎而知

涼則其于周身謀國之道可以無悔于先勉乎哉事
之未彰子有以察之事之既彰子有以應之母寧使
人謂迺翁為不知子

陳氏四子字序

揭陽陳修卿作吏廣之清速相遇如雅識見其二子
大兒八歲秀目大耳必能亢其家小兒七歲亦莊重
不群其二在按乳曰陳水屬也求以水名乃名之曰
洙洙謂洄夫洙洄聖人之域弦歌之風莫盛焉高山
仰止後學所企則字洙曰伯企射穿楊葉天下之絕
藝也不知止則有弓撥矢鈞之失黃鵠一輩冲天不

知止則有垂翅之患遇坎能止其誰先之則字洙曰
仲止液全于銅鍊固在松栢混楓櫟之林歲寒而
後判然君子守正特立下與小人俱化謂之清涇不
能濁也則字渭曰叔正順流而下一日千里習其易
而危其難一舟逝洄十夫努力少怠忽則咫尺不可
上能踐其難易將至馬則字油曰季上

荆門集序

郡邑必有山水之勝詞人登臨垂著風什乃能發聞
于時荆門之西泉出山下播為雙竇南泉方五天許
膏渟乳積來不見狀復行地中去亦叵測石崖有唐

人留墨北泉節山剡洞混混清泚字以夏屋神龍可
潛累甃如橋導之東出貯為修塘石底沸白散乳金
蓮碧草生焉雙泉之陽別為方沼其源涌甚又股為
曲水東穿潛玉亭入于塘西南有堤閉過石橋與
曲水會地益下始淙琤有聲復為南沼二沼皆有蓮
驚流濺沫來為曲澗然後吐為長溪舊曰蒙泉今日
惠泉其蓮四時有花長簪而五出黃中而綠表其心
紫其鬚黃其葉不凌水光可以鑑老柳百韋有癭如
壕騰矯波上隄望猶龍然一壘之景于是為勝前題
後詠碑板相照絕沮水厯當陽抵玉泉則閔氏血食

之地有唐人詩鈔木于崇寧刻石于政和辭未滿百
兵革殆藉木石俱焚冥搜殘編厘有存者因摩拂新
裂芟翦輔益地無藏書家哀粹不能備其圖泉石之
狀于卷端使履齒未及者可以想見梗槩銘記數十
篇得諸煨燼之未弃之固可惜至千故將官諒滯以
埃滅併贅左方以備荆門故事若舒公把麾于咸平
年方伯氏在三館故鷺序有罷行之句其間十數公
為時間人舒蓋藉以不設館興戊辰王公來自賢閔
贈言祖道光焰頽然其首章則今丞相所作也一字
之褒榮今陋古百有餘年堅珉並峙公知名民星斗

彪列使地有九鼎大呂之重足以張大斯文編之所
宜先癸亥之秋予自道山歸耕樓遂牛世與田父樵
子為群一旦起徒中佩印組所得同宗一逢掖之詩
爾輒復青蠅附驥知我者當為解頤自節蓋無訛焉

大宋登科記序

國朝登科記自建隆慶中至紹興之庚辰姓名登載
者毋慮二萬三千六百人有畸為二十一卷後乎此
者蓋將億萬數而未止唐人所謂千佛名經良不足
道先是吳興學宮有鏤板混然不分卷第所紀但進
士而已制舉詞科顧泯沒不傳貢士又傳著牘尾其

它魚魯脫逸不可縷析或一榜至誤百有餘字覽者
不以為善某始放唐姚康所作科第錄凡以是進者
畢書之未撫功令粗存因革其名冠禮部籍及仕至
兩地悉為表出大魁若異科則又識其鄉于下進士
自慶曆後得其小錄始可考建炎以來蜀人以道梗
且遠不能造遞故中州漫不知其名氏今皆並列明
經諸科國初取人甚衆史畧其名莫能盡載武舉非
文事童子或偕計吏或賜帛罷故弗著既成刻于新
安郡舍蓋堂

重編唐登科記序

進士在唐最重公卿達官不以是仕者常愆然不滿
其外有宏辭明經諸科而制舉之名多至八十有六
于是有登科記等書藝文志著錄姚康崔氏李齊三
家三十三卷會要載鄭氏上宣宗者十三卷崇文總
日有樂史修定者四十卷今多亡矣予家藏崔氏書
正元中校書郎趙修為之序大抵顯載進士續之者
自元和方列制科訖周顯德乃止又從毗陵錢紳氏
得一篇起武德盡大和頗兼制科而十遺五六予嘗
考會要續通典諸書補正之據唐人集增入策間及
校中秘書亦得一編冠以趙序殆與舊所藏略同而
序次又不相類蓋後人損益俱非崔氏本書世所傳
鴈塔題名進士存者鮮焉獨長慶一年不闕以證諸
本皆異唐去今不三百年以最重之事傳數家之書
而子盾如此書果可盡信乎先忠宣公還自朔庭得
招文館姚康書前五卷最為詳盡而亡其十有一卷
所載高祖太宗兩朝進秀甲乙總二百六十三人證
此本乃九人而已故今所輯一以姚氏為正天寶以
後則以三本合為一至其後先乖次不可悉詳為千
有五卷云

隸韻序

六藝去古浸遠危廢矣冠昏喪祭家自為式賓主酬酢無可觀之儀大賓客大祭祀亦屑、唯掌故是聽靴鞞祝教聞者欲寐士之徹琴瑟匪曰有故秦孤蓬矢不設儒家以射為武事弁輿轎以當車而執綏之容不復見持籌而計尚橫之為什伯何二首六身之有禮樂射御典數者蓋如此曰書之學雖存然好之不專業之不精未見卓然名世可與義猷歐陽虞顏柳齊驅者隸字傳于今有光武中元年石刻元初以後法度漸整至熹平光和間亦極妙矣魏初稍變螭頭燕尾之體自能成一家歷十數年

氣格日益畢下至晉而真行草競起隸習遂絕唐韓擇未蔡有鄰以八分擅場而結體嫵媚僅得孫根夏承之緒餘爾篆古鍾鼎款識皆已有韻獨隸刻世所艱得後學提筆輒書增點減畫變易偏旁漫不求是予家藏漢代廟中之碑幽堂之銘墓門之闕與遺經斯石凡百有九十一種俱難聚而易失也因輯以為韻與我同志者必有取焉

隸釋序

秦燔書廢古訓而官獄多事乃令下社人程邈作小篆而邈復獻隸書所以施之徒隸趨簡易也亦曰佐

書漢魏之際蔡邕鍾繇梁鵠邯鄲淳俱有書名後魏
酈道元注水經漢碑之並列者始見其書蓋數十百
餘陵遷谷變火焚風剝至宣政和間已亡其什八本
朝歐陽公趙明誠好歲金石刻漢隸之著錄者歐陽
氏五卷趙氏多歐陽九十三卷而闕其六自中原厄
于兵南北壤斷遺刻耗矣予三十年訪求尚闕趙錄
四之一而近歲新出者亦三十餘趙蓋未見也既法
其字為之韻復辨其文為之釋使學隸者藉書以讀
碑則歷歷在目而咀味菁華亦翰墨之一助唯老子
張公神費鳳三數碑有撰人名氏若華山亭為衛覲

之文見于它說者財一二爾其文或險而難解澁而
太鑿者譬之紀載部鼎皆三代厯存之器其剝缺不
成章與魏初之文數篇附于後如斷圭殘璧亦可寶
自劉臺賈逵已下字畫不足取者皆不著

盤洲文集卷第三十四

盤洲文集卷第三十五

表二十一首

謝賜先臣謚忠宣表

伏蒙聖恩以臣弟左朝散郎守起居舍人臣遵有請
特賜先父徽猷閣直學士左朝散大夫臣某謚忠宣
者先臣銜使不忘徇國之忠同產抗章仰拜易名之
寵哀榮終始感涕縱橫臣中竊以六家所以成書斷
自周公而下三品然後節惠詳夫唐世以來褒貶咸
決于君前善惡不誣于身後非有傑出之迹安得殊
常之榮伏念先臣當鳴鏑之敗盟以單車而脩好聞

諸夫子不辱命于四方孰我行人甘茹毛于窮海艱
難備矣擇守確然數其乳華之僭折彼取蜀之問及
上介行賊庭之祿之死靡他至同倫易虜帳之官沒
身不屈屢臨白刃弗變南冠至于間道以奏祐陵冒
禁而朝太后秘計屢通于孫帛危杌嘗困于畫牢流
連冷山七八月而見雪擇持瓦節十五載而入墮蒙
神聖之簡知植權邪之毀高遠投裔土莫駐顏齒幸
逢琴瑟之更張遂致絲綸之游出賜之嘉謚卓爾異
恩著甲令以顯褒達丁年之善聞諸孤不肖益殫戴
舜之誠幽壤有如必效亢回之報茲蓋伏遇

皇帝陛下躬行仁政心念功臣謂康衡之排妒陳湯
皆其私怨而思州之謫逐陸贄恨不生還隆曲澤以
歸終示清朝之彰善事光存沒夙勸通遐使忠貫日
月之稱在德蘊立園之上臣謬居冢嫡獲奉烝嘗掃
地焚黃丕變松楸之色瞻天上嘖不勝狗馬之心臣
無任

代程樞賀南郊禮成表

清蹕就陽得十郊之剛日泰壇拜况跋類帝之明禮
允在式園率同擊壤

中謝恭惟

皇帝陛下補天興業貳地宅尊偃武修文不膠馬上

之治制禮作樂有考鹿中之祠墻背簫以揭度滌蘭
粟而備物雲門存古先之舞芝房奏新作之歌駢駒
鸞路之弗為風馬羽施而來下歡該回表釐逆三神
雲非霧以祥開月從星而光燭降年有永等星祐明
堂之詩迎日之長推有熊寶鼎之筭迺漏泉而豐澤
俾畫地之施刑簡策特書國家綽典臣退居故里阻
望屬車侍祠者數百人遐想漢儀之盛上壽曰千萬
歲空馳席拜之誠

代程樞密賀

車駕幸祕書省表

席觀鼎新復仰木天之壯覘旌順動有完全匱之藏

事歲崇朝禮超前代

中謝臣聞編珠拱極憲東壁之經

星群玉名山峙西崑之策府唯興國再臨于大駕逮

祐陵愈賁於上儀元元本，而宏達為群覲，煌，

乎卓絕之跡于赫石文之旦聿恢下武之聲定負雖

酌于瀛洲它直尚僑于蘭若迺更爽塏肇建洪規揭

寶墨于璇題帝中第一鶴壞材于芸閣天下無雙親

屈至尊式昭丕訓瞻八世宸毫之秘玩三王異器之

存褚得肉歐得骨虞得筋克兼衆妙夏之璉商之珮

周之簋仍獲餘珍坐使清流傾增崇觀恭惟

皇帝陛下道隆息馬功濟興龍煥乎其有文章皇風

載建舉而措之事業治具畢張闡葱菁于一時暢醇
醲于回表先聖後聖大壽時書臣辱在奉祠莫違陪
乘傳置郵之命幸此道之益高觀泰階之平與斯民
而昏慶

代人起居

太母回銮表

聖王樂天履交懽于北境皇輿旋軼爰就養于東朝
遠涉脩途言歸華闕極一人之喜豫罄萬宇以懽呼
中賀

皇天后殿下道配坤元教形壺則邁徽音于任姒齊

淑範于娥嫫彤史揚休文嬪京而贊治赤光協吉遂
毓聖以開祥自玉輅之時巡奉祥衣而遐適符籙歲
籊越在鄰邦蓋聖人之德能通于神明而天子之孝
克安于社稷皇乾眷命副九重長樂之思敵國行成
修萬世甘泉之好戒皇華而駘乘備法駕以回銮正
位慈寧遂即含飴之樂賦詩戒頽敢辭舍肉之言臣
等獲際昌期叨居輔郡傾心鳳闕幸修清道之儀矯
首龍庭恨阻奉觴之列

代宰臣進六曹寺監庫務通用法表

六官分屬綜甲令以惟繫三尺裁書幸終篇而甫奏

仰塵聽覽深積兢惶謝中竊以帝奠九壘必有規摹之

遠法垂一代寧無前代之殊歲時既閱于推移可否
滋多于因革惟是文昌之要先為政事之原上係朝
廷倡紀綱于九牧俯聯監寺列管庫之羣司悅無一
定之文孰完兩端之弊中罹兵革浸紊簡書舉其宏
綱未免口傳之異視諸政府莫稽臆決之非慙建丕
彝免歸華旦恭惟

皇帝陛下衛堯治道廣文伐功上下相安品式已臻
于備具國家閒暇政刑宜底于修明紬大觀之遺編
作中興之寶訓蓋琴瑟不調之甚必解而張俾江河

所紀之難不膠者卓部居有要凡目咸陳臣等獲預
編厚久絲風夜因時立制愧無山父將明之材合去
便今庶幾蕭何畫一之法

代張建康謝賜御製孔子七十二賢像贊表

細旃儲思述闕里之聖賢鴻華垂光賁琅函于郡國
濯冠拜况紆袂增榮竊以隆穎修肱仰素王之奇表
攀鱗附翼萃諸國之異能璠高躅于誦弦存憲言于
竹帛孰謂千齡之後獲逢萬乘之知雲漢為章像圖
孔肖蜀都繪壁初無當宇之衰唐帝摘辭不及升堂
之列在古木見惟聖廼能中賀恭惟

皇帝陛下舞羽修文解弦更化想象環于往日崇本
鋒之芳風玉振金聲發揮珠泗之美銀鈞織畫度越
義獻之前加寵校官匪頌寔軸臣撰司留鑰奉親宸
奎七十子之肖仲尼悉經題品二千石不如逢掖共
慶瞻儀

代賀冬至表六

北宮擊磬庸如樂律之諧南土書雲益見豐年之象
五緯相叶萬物昭蘇

中賀恭惟

皇帝陛下受命中興濟身大業聖人以天下為度同
彼疆此界之仁斯民覩泰階之平享右粥左餐之樂

當以舒之化景迎滋至之天休臣叨廩祠官養病里
社振纒綫而接武莫陪上壽之班負履襪而獻詩願
紉殘長之慶

疇人課密當五年再闋之期祕殿迎長上萬歲三呼
之壽

中賀恭惟

皇帝陛下得天之紀與時偕行無偏覆包函之殊以
生育養長為事通迺安集美寅王之中興廊廟榮華
賢周公而夫治臣衰遲多病 竊叢祠莫陪鷓鴣之
班徒深犬馬之恋

闔門候景茲審律于聽工登臺望雲遂紬書於徃史

中賀恭惟

皇帝陛下聰明稽古慈儉保民能用真儒開八荒之
壽域備成朕事變六樂于圓立式踐升辰函蒙丕祉
臣夙叨華綬火退私閤空懷頌祇之誠莫預奉觴之
慶

闔門以候景至式符巧曆之占御殿以聽樂均爰始
黃鍾之奏迎王壇一陽之復合嵩山萬歲之呼中賀
恭惟

皇帝陛下業濟化龍勛優息馬時則有若伊尹克成
同德之休王者莫高周文更廣好生之治升辰甫及

景福來臻臣假守海邦遙瞻天闕踐長有慶願慶履
禩之詩上壽多儀莫綴簪紳之列

氣和玉燭當共荔之應期日永金鋪仰槐楓之留景
斯名亞歲共祝萬年中賀恭惟

皇帝陛下光啓宏圖力行柔道寂雨干戈之偃粲然
俎豆之陳上獵三靈之流嘉祥屢獲外連四海為帶
比屋可封逢聖世之榮懷覺皇初之赳赳咸馳善頌
式贊升辰臣叨領州麾遙瞻帝闕傾心葵藿已迎化
國之舒矯首鷓鴣莫覩壽觴之舉
擊鼓撞鍾慶君臣之道得獻履貢禱迎天地之氣和

斯為紘萬之元仰慶呼三之頌中賀恭惟
皇帝陛下北謀一旅式命九圍極兵寢刑措之功洽
喙息政行之德效珍未嘗虛月垂穎屢以逢年惜大
雨之寸陰踐長則喜受有熊之神策介福無疆臣叨
界左符莫忝上笏荔芸協序共如玉燭之調葵藿傾
心遐想金觴之舉

代賀正旦表四

夏正三朝舉晉氏席尊之禮春王一統布周人象魏
之章玉燭惟和炎精有煥中賀恭惟
皇帝陛下勳兼在昔治致升平七十四聖六十四者

擊壤見斯民之樂四百里粟五百里米均田知我后
之仁穀旦是臨椒花可頌臣奉祠里杜聯職殿廬重
坐說經身遠侍中之席九行上壽心傾御史之觴
正月之吉始和治布周官之象千歲可坐而致礼稱
漢殿之觴中賀恭惟

皇帝陛下仁行如春德盛在木彫列上階之色蜩娟
左个之居去殺勝殘喻一而治定植僵興仆光九
葉以基隆時也求瑞天其降嘏臣濫官南海遠拱北
辰甫見耳聞益謹朝宗之訓手舞足蹈莫陪上壽之
班漢殿陳儀樂正奏黃龍之戲晉庭制礼直臣開白

席之尊惟上聖之履端宜百神之昨德 中賀恭惟

皇帝陛下指麾戡亂日見進衡恢復古之皇綱得用
儒之治效握樞秉籙尊居峻護之中越契踰繩何取
鴻荒之際受解區之圖藉來殊徼之梯航三之日以
是臨萬斯年而有求臣濫分魚契阻望鵷行上壽獻
觴莫贊移葭之慶馳心存闕茅深傾藎之誠

青達外震亶逢歲紀之端翠幄煜香咸仰朝儀之躋
散皇風而淪頌洽歡誦以呼嵩 中賀

皇帝陛下業類補天思勤貳地總神明之既祐成道
德之安強有并柯共穗以屢書聞吠狗鳴雞之旁達

濟三皇而軼五席懿錄宣昭燭六合而耀八紘輝光
充塞凡式圍而鼓腹俱擊壤以馳心穀旦甫臨椒花
敢頌臣濫叨器使屢換斗杓如非辰而拱星深存華
闕傾東海以為酒阻獻羽觴

代賀元會表

正上下之則講元會以尊王見天地之情慶人正之
協紀禮趨綿最光載簡書 中賀恭惟

皇帝陛下化廣人文治臻儒效戴青旂于左个式對
熙辰下彫輦于東甬荐行綽典萃諸道計偕之士肅
殊鄰使命之班法酒序陳瑞章前列百神森從疑風

馬之裴回九賓曠傳偉雲龍之璀璨若臣相就皇帝
知尊臣名綴叢祠身居舊里張鈞天之九奏遐想後
容環嵩岳之三呼莫陪大慶

代天申節賀表二

日永以正夏氣和薰祥之中天命而生商業桑蕪尚
之固極華夷而抃踊洽草木以光榮中賀恭惟
皇帝陛下身濟中興人逢上治以息兵之神武得享
國之長年往氣葱已信伯阿之望卿雲旦旦載廢
帝舜之歌臣恨守魚符莫瞻龍表以九為節想漢觴
謂者之儀則百斯男申堯壤封人之祝

皇乾眷而炎德輝誕開興運里社鳴而聖人出盡括
珍符共堅戴舜之心逆貢祝堯之請中賀恭惟
皇帝陛下艱難系統慈儉保邦邁三代之英風補石
王之漏英竹宮展柔仰華星皎月之祥金匱奏篇集
甘露榮光之事天錫無疆之祉人均有載之歡臣叨
守偏城復逢誕節鵲稱萬壽知嵩岳之三呼花覆于
官想鈞天之九奏

代天申節貢銀狀

降年有永崇萬壽以無疆物上之宜罄四方而來賀
退惟不腆敢瀆蓋高前件物未提之珍番禹所塗地

不受室參厥包厥棊之輸天其用休荐如阜如岡之
社

代謝賜曆日表

課清臺之曆雙壁五珠賜方國之書十行一札凡居
臨照得以奉行謝中臣聞兼天大地大而作王考旦中
昏中而布政惟競元妙一行之數斯其注示萬年之
將恭佳惟

皇帝陛下聖克憲章效隆調一義宅南而和宅朔法
帝光之授人時趙舉春而倪奉秋納魏相之陳月令
冒海隅之出日靡天下以向風臣敢不仰體愛民深

思率職周旋以守弗陸鳳司之頒析隩有經式安龍
戶之舊

三就一元仰清臺之課密五年再閏協左氏之端餘
中出穗書遠霑竹使中謝臣聞作雄鳴雌鳴之律歷
法遂萌南正北正之官疇人有述豈惟昭代高出舊
章共惟

皇帝陛下侔德萌周昔時夏子居域中之大以天下
為家三階平而風雨時不爽璣衡之政五星連而日
月合有開珠壁之祥臣敢不恭休授時深思奉職左
璇右轉既天道之可知東作西成幸農祥之不爽

盤洲文集卷第三十五

盤洲文集卷第三十六

表十六首

代張提舉謝立祖廟表 額曰旌忠

真王念功必賜曷銘之矣夫門狗節遂膺廟食之褒
風動通遐感均存沒謝伏以遠東奉祭彤之祭匪出
九重章武立田代之碑但循甲令豈聖世旌忠之典
酌礼家勤事之又國有條章大知砥礪伏念臣先祖
具官臣某蚤因文翰服在周行嘗荷棠于宣和繼剖
符于南節朔邊烽奉分四道以勤王赤縣颯回無寸
兵之傳塚身獨嬰於白刃血屢染于左輪會廷臣請

存趙而不諧故敵國俾林燕而遠去遽傳長里不見
中吳藏黃石于異鄉已多立木嗣蓼莪之宗器未實
止毛亥諸父之肆章自上天而降札建其闕宇錫以
嘉名尸忘累華之還石有麗牲之啓柳瞻奕々之作
遂假言々之靈三禩寧俾九京有曜結草豈殊于今
日傾葵相誓于私庭此蓋伏遇

皇帝陛下濟業艰难納仁壽坐格明良之遇每先
忠義之思思過禁樵激卞彬而敢謝歎吳民栢欲裝
邃之更生有大丞之詔具存非諸布之名不顯傳之
千載光比一門臣內省材驚仰慚祖武偶備奠于使

措得貢贖於宸嚴子孫不忘已篤傳家之報蓮豆有
楚長堅許國之誠

代陳饒州謝到任表

列疾去朝甫送漳濱之卧冒恩典郡復成番水之行
班錄去初凌兢曷措謝伏念臣略無地技久在常流
當粒榮之召還以藟言而入對溫顏曲獎朽質殊榮
俟罪長沙未奉三年之計牧民南海已成百舍之裝
會神聖之更張雜智愚而並用昇輔郡股肱之寄易
計臺耳目之際晚彼瘴烟近于天日而臣浸嬰犬馬
之育闕趨鷓鴣之行本草石之寒溫但知救死問錢

穀之出入積致瘵官不勝掇蒺之憂游瀝負薪之態
拜鴻私之從欲進華閭以就間方視蔭于窮居忽承
流于舊服官曹不改初無勿翦之棠筋力既愆非復
能鳴之雁政茲求瘼難以養痾茲蓋伏遇

皇帝陛下奮發乾剛財成泰道勵精圖國每未明而
求衣軫慮字人故嘗夜不安枕乃如孱瑣小玷選掄
臣敢不整頓前規鞭驅餘力僮子歌宣布之頌可謂
逢時庶民無愁歎之心尚期校考

代魏吉州謝上表

冒恩起廢敢辭蜀道之難改命承流頓覺長安之近

厥初班錄采功戰兢

謝中

伏念臣學不通方器非通用

自離群于棘寺久遠迹于楓宸畫戟兩川致茂聞于

愷悌繡衣三組志尤愿于澄清偶刊訓解魯論之書

中有感歎周公之語言者謂其訟上理官坐以投荒

窺白澤之圖屢逢魑魅染黃茅之瘴幸免膏肓遇聖

政之解絃致流人之出籍方作捫參之計又叨易地

之除惟廬陵之古城乃江西之劇郡漢池賣劍偶逢

剽敎之稀白粲連樞咸俱轉輸之闕顧惟蕭薄恐誤

使令茲蓋伏遇

皇帝陛下發政瞻前澤人重外歆庶民之安田里如

彼漢宣故丙夜之思姓名不殊唐帝豈容駕乘亦玷
歎符臣敢不思補一毫恪遵三尺盡心聽訟廢移拜
筆之風竭力運糧會有積倉之日

代辰州守謝到任表

拜散人江湖之孺方遂歸耕分刺史菟魚之符誤膺
出守遵承時而執道差穀且以臨人謝中伏念臣資不
逮中况惟每下未足三冬之學偶聯千佛之名既備
數于荐紳遂暇勞于簿領幸清明之盛際雜巧拙以
兼收猥以駕材廁于鴛綴可以折獄歷是尉之三官
何自為郎黜司刑于文屬昨緣盈滿旋即退休一去

日畿三移星曆上棟下宇復安故里之居右粥左餐
仍竊叢祠之祿豈云出綽乃得地麾惟廬溪之偏城
本發中之古郡丹砂化藥有地產之延年青箬畏鹽
無洞丁之奸命使之作鎮宜擇惟良恭惟

皇帝陛下化尚中和治貴清靜用真儒而無敵不復
談兵以佚道而使民率皆樂業溫令寬瑣亦職藩宣
臣敢不內竭技能抑馴詘使法西鄰之循吏廣仗兵
理之功訪酉陽之逸書少補右文之治

代福州守謝到任表

三載典城方軫黜幽之惧七條易地采深聞命之驚

甫見兵民已頌詔令謝伏念臣空乏能薄汎汎品卑
早瞻咫尺之威屢懷方寸之印自飛勇于五莞斯視
蔭以八年就戎四偏偶洞蚤守條而累化徙官東表
媿拙羊感政以效祥雖駑馬之十駕自鞭願鉛刀之
一割已鈍賴光曦之暨遠亘粵分以移風佩犢帶牛
丕變潢池之習羹魚飯稻遊逢樂歲之豐致此孱疎
安然糜竊揆因功而夕惕恐大譴之日加敢料息私
復垂任使惟閩川之要屏途岳狩之行都地大俗繁
務叢物阜必諱忠信慈惠之長可敬宣布中和之詩
深慮踈盈有辜較遠茲蓋

皇帝陛下憲章遠古光演寶圖鑿井耕田措斯世于
安寧之域辭軒罷丑賢周公而榮華至今既大振于
朝綱每廣求于民瘼謂臣久居遐遠而遷之以近知
臣稍更繁劇而勉其所長自非竭一得之愚何以答
十行之賜寵光有此驚蹇若何臣敢不材罄夙宵憂
分旰晷廣上聖仁心之澤務在撫摩師前賢治道之
言期于清弊

代雷州守謝到任表

愒日曠官幸免 龍之譴治雷調守游叨銅虎之榮
及衣或以入疆見葭蒹而宣化謝伏念臣顛蒙瓊質

握甌常流儲慶仙源顧郇霍出文昭之後策勛聖域
漸向歆為漢高之宗蚤綴迹于荐紳即抗容于簿頌
頃紆邦綬邀在海濱佩犢何為帶牛盜蹤偶少問羊
然後及馬政術莫知深懼罷歸幸臻善了非本聖廣
親之天賜則微臣考下之以何疑方決投閑庶幾
補過敢意十行之龜復戶于里之權惟南合之小州
蓋徐聞之古郡波涵渤海帆檣可達于群蠻利足魚
鹽井邑已同于中赫式塵共理迴濫匪材此蓋
皇帝陛下功光祖宗德合天地濟艱難之丕業題晏
粲之昌期念大分八百國之封寔先同姓有唯良二

千石之慮敬又遠人致使卑冗竊思班錄臣敢不盡
遵甲令以治仰寬丙夜之憂公族之應振弗忘古
訓君子之風凜凜刀企前修

代謝赦表

奎輅就乾已報功而饗帝難羊作解爰斂福以錫民
凡在式圖率同擊壤神恭惟
皇帝陛下批糠菓燧冠冕黃農偃武興文不膠焉止
之治制禮作樂式展鹿中之祠徽祇下而瀆鬼從地
恨關而天閭決六甲既迎于黃氣一蜚豈泄于青蠅
合動裔之前言鄒封錢之小慮單此蓼蕭之澤脫然

叢棘之囚華上昭蘇群情滌濯在濫司郡寄覆廣上
恩礼布十行仰湯后解網之德罪寒三細體成玉堂
圖之隆

荆門謝到任表

舊鄉學掾久號龍具之中昭代振淹忽玷席符之未
遵期上道旬日備謝伏念臣坐也無庸少而自苦
駕材僥倖同介弟中詞學之科天語褒嘉稱先臣獲
忠孝之報驟躋儒館始接英躋暨禿節之來踴陷駭
机于不測而臣屢緣父命前詣相門達危疑欲去之
情擬猜忌不回之怒既佐郡甫終于兩考偶投荒生

值于斯時守臣親望以中傷御史憑依而論列獄辭
既上乃罷法而卻回吏議不公即舞文而求合銅廢
已餘于一紀清明斯觀于三光惟當陽君之故區在
雲夢澤之西鄙雖承采之風未復而醇厚之俗不移
苟無貪吏之誅求便有架郊之氣象深虞瘼曠真抵
譴何茲蓋

皇帝陛下覆物如天視民猶子遴侯邦之左契錄治
行于御屏下詔百官欵迭居于內外承流六服寧有
間于迄退凡此博求未嘗輕授載惟異渥猥及私門
追歎九原出明綸而賜謚召還二季躡清貫以登朝

當宰輔之進除書顧姓名而勤聖問念無是以質
莫稱非常之恩銘骨自期粉身何補臣敢不仰思肝
食力效秋毫宣布隆寬常佩七條之訓撫柔凋瘵敢
輕一障之乘

賀郊祀表

蒼駟六虬歎頌祇而拜况園壇八陛慶掃迎之揭度
熙事崇成衆心交抃中切以七政以齊而輯瑞稱類
帝之彌文四卜不從乃免牲紀就郊之過舉于皇昭
代何算陳編恭惟
皇帝陛下生聖凝姿中天立極藏干弋于既定其興

也淳馬鮮琴瑟而更張不膠者卓矣自政机之獨攬
茲煇燎之載颺玉梢瓊磬以諧音蘭酒拓柴之備物
靈旂東下瑞謀光前坐宣室以釐受御端門而肆赦
臣耳聞錯事身阻侍祠舉相如數十人作歌無庸馬
走若兒寬千萬歲上壽有羨鷄行

謝赦表

八音之調作歌祀成萌粟五刑之疑有赦澤勳雜竿
凡在克封率同席拜中謝恭惟

皇帝陛下恩周地軸治叶天玕愷攬權綱振孝宣之
治道周張黼黻講元昂之稜容壇奉玉以臚歡盾封

錢而肆青鑿井而飲已騰寧堂之歌畫地為牢兵送
空虛之慶臣甫承人之獲布上恩戒此遐萌啓良心
而遠罪奉茲輕典副盛德之好生

賀皇帝慶皇太后八十表

進壽東朝宣恩北闕殿上皆稱萬歲瑞應非常海內
之凡九州歌呼同慶中臣聞喜黃髮而頌壽母尊國
有詩摘紫房以和慈顏晉人自賦若長樂備常珍之
奉在前王無故事之傳恭惟

皇帝陛下道大興商功光系漢日致其孝有曾閔事
親之風帝降之祥得黃老養性之福雖蚤朝而晏罷

必夏清而冬溫逢八十春秋之尊出五士經籍之右
吹律式迎于首祚舉觴逆介于長年數連宮闈澤洽
黎庶比屋起南陔之養瑤池呈西老之符興慶之率
百官曾耳曠典建元之後三筭何算陳編臣遠守小
邦側聞盛禮迴銮紀事徽蹤常錄于汗青賜札錫民
異渥獲推于戴白

賀皇太后慶七十牋

慶歸慈壺禮講壽觴鍊石以來孰爭年于彤史呼嵩
所暨咸播澤于黔黎中恭惟

皇太后殿下德範光前仁心及物之任如跡助文謨

武烈之興好黃老言得天長地久之應方聖王極怡
怡愉口之卷亘皇乾錫穰之簡乙之祥式對三微仰
稱萬壽黼黻班衣之樂祀種黃髮之歌寔殿騰歡毫
臺獻瑞七十四老已詩古昔之希八千為春永受延
遐之祝臣傳觀載籍未睹異聞思在私門記卷簾之
珠涇儀分廣陞想貢贖之清班

代賀皇帝表

商雲結帷爛南極于紫霄元日稱鶴介東朝之黃髮
郵音所登嘉項載騰中窈以有三足烏說西崑之戴
勝練五色石聞上古之斷鬢已保仙籍之長生或播

皇風于不朽慶緣長樂事始昌辰恭惟
皇帝陛下聖稟委任行齊曾問問安視膳審釐專鄉
十媪神據德依仁介福昂來于玉母礼行鄉下歡匝
宮中八子歲春方百分之及一十七代史比萬壽以
無歡臣遠使重湖與聞曠典仰奉階而肅序履路無
繇祝坤極之增年後天而老

賀天申節表

日水星火以正夏玉燭咸和電繞斗樞而照知金銷
有慶呼通遐之喜氣集高厚之麗禘中恭惟
皇帝陛下潛哲題期勤勞濟業天連珠而合璧民擊

壤以登臺自躬攬于政机更力行于治道按六經而
枚德方駕義農稱萬壽以獻觴齊黷彭老臣叨居小
至阻進廣徒心慕堯封不勝多男之祝手披魯頌乃
膺台背之章

天申賁銀狀

九夏乘離千秋迎節維下陳之紂略有上壽之章程
前件物涌地效珍贍天贊慶介荆州之三品不腆方
翰匪朱提之一沅難奉庭實

謝賜紹興二十九年曆日表

遠推竹律據易道以歸奇中出稔書巨坤輿而鉅朔

綠為常憲持謂新思謝竊以命南正北正之官曆霜
逋始積大餘小餘之數閏法可求唯昌辰革象次之
非故大絕得厚生之善足詆孟陬之殄豈差大火之
沅恭惟

皇帝陛下欽象衡璇齊尊曜魄張登三之治具受衍
萬之休符好雨好風轉破塊鳴條之沴君烟若霧觀
連珠合璧之祥既成歲以四定時蓋以春而大一統
遂令共貫咸得開編臣名綴典城職當宣化奉行政
典敢千未鐸之刑勸劬農功庶獲火耕之効

盤洲文集卷三十六

盤洲文集卷第三十七

表三十三首

謝賜御製損齋記表

淵衷好易玩山澤之立辭眷藻名齋揭日星而垂象
迺州琬瑛溥及簪紳中臣竊以六位成書有數家之
口授四方觀化必當牛之躬行典其考藻丘朱鹿之
異同何以益黃帝堯舜之卒治仰九五聖神之學東
三萬訓故之言恭惟

皇帝陛下道贊緝熙理潛易簡擢根孤蹈參伐而神
武不殺卻處妃屏玉女而清靜無為鈞探義文室侈

目蕩心之歆品許唐漢監持盈守位之非爰標榜干
宸居獨幾修於損德翠不裂而珥不獲蓋革紛華墨
乏妙而華之精它無嗜好著寶奎而襲六合太極之
函三風動通遐自趨詳御朴恭銘座右七閱校官今祿
利而學者不明共慚童習自奉養之君子有節上法
聖謨

知徽州謝到任表

叨拜言綸復分符竹繇小壘而升輔郡去遐邊而接
故鄉責重弗勝恩隆難述中謝伏念臣弱材無似未
枚易窮頃獲戾于權臣即問耕十田父起廢忽臨于

一陣備負南歷于三時體鴻鴈勞來之章竭駕駘觀
策之力政無吾狀偶見取于疲民辭至外臺遂共騰
于需牘豈期茂渥有比起除尺五天望歛稜而甚
近夫三為屋指井邑以相隣惟富州擇吏之不輕恐
謾域詣曹之莫免蓋茲伏遇

皇帝陛下德游和氣澤播黎苗方循名責寔之朝寸
長必錄故宣化承流之選詳試行、款撥字毗不嫌
易地臣敢不寃心簿領率俗農桑對以春秋願奉典
戒之計著于甲令益圖報國之忠

謝赦表

隸流行奉方視繁于慈闈貫索韜先逆解除于密網
恩被匝宇罪党虛罔中謝恭惟

皇帝陛下德道聖文行高曾閔自遠迎于駟駕帝歎
戲于班衣問安否之何如偶愆調護禱神祇于上下
必底康寧亟圖勿藥之功復需蓼蕭之澤仁心眷過
和氣致祥臣連玷左符並逢曠典二筭之復八十已
敷惠于遐萌五刑之屬三千今滌瑕于茲土願哀吉
語永介壽祺

大行皇太后土仙慰表

釁土慈壺痛貫宸衷奉諱之初提封同戚中慰伏以

大行皇太后生全五福德洽六宮三母翼周播徽音
而並駕一成祀夏誕聖賢以中興方期壽祖之增忽
愴仙遊之隔恭惟

皇帝陛下得虞舜事親之道極文王問疾之憂念駟
馭之艱難養加于孝逢棘風之变故情過于哀願寬
用極之悲式體系隆之重臣限以官守不獲奔赴闕
庭臣無任

顯仁皇太后祔廟慰表

柘城襄事隔慈景于東朝縻主寧神講嚴禋于清廟
凡居覆載靡不悲哀中慰恭惟

皇帝陛下養奪母儀情深孺慕五表而臨素幄周極
哀悼九虞之奉真游弗純吉服逮茲登配益感劬勞
願抑凱風寒泉之思以慰普天率土之望臣限以職
守在遠不獲奔詣闕庭

賜紹興三十年曆日表

敕書則斷堯典度授民時言天者以夏正茂明歷法
妙于推筭欽若統元中謝恭惟

皇帝陛下受籍求端握符行健在璿璣以齊七政狗
木鐸以戒百官太史司日月之行不差宿離鴻範著
天人之應時若燠寒臣敢不仰體深仁恪思共理教

下民之農事復當火紀之朝考要說于術家有慶金
穰之歲

賀立皇子建王表

選建宗英行真王之故事枚寧邦本繫率上之群心
凡屬照臨舉同呼舞中賀恭惟

皇帝陛下系隆漢統疆固周宗陳王業之艱難永懷
藝祖辨廟祧之昭穆不私太支蚤求繩武之賢久茂
積身之德若古有訓惟斷乃成一索得男名協滂雷
之象衆星共北光騰左轄之躔復塞嫌萌益高聖慮
臣猥臨近郡獲拜細書猷螽羽之詩慕華封之善頌

作燕謀之祝嘏枚叟之逸才

謝賜御書手詔表

方底再封制官刑而出總周行九命誦卷蒸以書紳
具瞻雲漢之光交積淵冰之懼中謝臣伏以三風之
戒狗貨若稽湯后之謨八瀆之糾治邦詳著周人之
典蓋驕駑不通古今則安能應變期會不報簿書則
何以責成或舒緩以養名或拱默而尸祿廼居官無
黔突之計故載路有伐檀之譏皆軫慮丁冕旒遂成
章子董墨流傳所屆廢椿有誅恭惟
皇帝陛下弊革萌交務先政核六事謝苞苴之責百

篇等訓誥之文罷壟淮之魚德高禹貢去稭田之滕
指舍周詩夙移當自于身修奎采復聆于心畫臣久
違朝籍猥守王畿絕容領而新楓香願攀任昉問馬
曹而招竹隱敢效徽之

謝賜紹興三十一年曆日表

璿璣齊以七政鳳曆奏篇攝提正于孟陬龍躔更始
同文所暨承式惟度中謝恭惟

皇帝陛下道妙範圍仁周動植疇人雜俟散器清臺
之書正月始和若觀象魏之法紀中興而有永極廣
覆以相傳臣職忝承流榮沾賜札永惟五紀欵歛福

于編氓必使三時無輟耕之游食

提舉浙西常平謝到任表

吏郡理人已敷道州之考外臺置使驟膺司部之除
入境云初逾涯是懼中謝伏念臣品卑馬走用勤難
尸游分符竹之榮蔑著消塵之效在外十九年矣清
班已高于修門取禾三百塵兮厚祿敢期于近甸忽
叨出綽遂使登車 萬鍾之歲久見欺于鼠雀開一
廬以賣方并接于狐狸正積弊之剗除豈弱材之堪
任茲蓋

皇帝陛下更張治具曲楠人材朝令夕行智兼收于

群策叔出季處思不替于一門乃若皇華付之驚品
臣敢不馳驅郡國宣布詔條發粟以振貧民何須矯
制秉傳而張空簿孰敢效尤

代朱丞相第三辭免表

秉鈞虛受深懷覆餗之憂批詔游盼尚聞循墻之請
輒控再三之瀆庶幾萬一之從中謝伏念臣誠不始
微竊非任重浸執股肱之政略無根柢之容報上闕
焉省躬惕若方眷明更化已臻琴瑟之調而中爨傳
餐頗軫甲兵之問若時枚卜衆所具瞻豈容測海之
蠶可備濟川之楫月三日而成魄詎合辭盈階六符

以觀天理難代匱伏望

皇帝陛下俯垂公聽亟降可音不嫌渙命之還俾息
師言之誦姚崇成天下之務別選能賢汲黯寢淮南
之謀必期益國

江東常平謝到任表

彰瀚部之纓塵能信宿秉楚人之傳後胃殊恩甫入
疆封未知職守中謝伏念臣蚤緣薄伎嘗綴清流逢
凶德之擅朝踵親闈而去國歲一章之在外瀕死而
生車兩轄而居前昨今非昔忽出綸于中禁得攬轡
于內畿革辜推之奸詎能興利理牢盆之災方欲求

端偶同產之典城致孤根之易地四牡勞來于周道
既榮文石之登六鷁退飛于宋都誰謂輒稜之遠迹
未陳于棠舍官復在于桑疇雖過家諧上冢之私豈
奉詔有察州之效所憂短力必抵大何此蓋

皇帝陛下責寔人群由神國用棟梁榘拱隨小大而
度材金穀米鹽均迹遐而置使有如臣者亦在遣中
臣敢不靡盬夙宵徧行郡邑問幾何于庾氏仰副玉
音通行一于商人少禪金府

欽宗皇帝并遐慰表

萬里蒙塵咸俟翠華之返一朝厭代已成碧落之遊

音諱遠來哀推罔極中慰恭以

大行孝慈淵聖皇帝堯仁舜孝禹儉湯寬位登九五
之尊時逢百奎之會重美里之易久矣明夷迷襄野
之逢期于傾否遂傳脫屣永斷回奎恭惟
皇帝陛下仰紹君臨內懷友愛陟彼岡而瞻望恨高
終天抱其弓以烏雞痛深叩地願講反兵之報少寬
當宁之悲臣恨以官字不獲奔走闕庭

賀明堂禮成表

布政頒時禁梓誤于汶上稽經諏律苑于典于宮中
豐澤既行縣區同慶中負恭惟

皇帝陛下孝存嚴父禮謹事天三歲親祠屬有甲兵
之問六飛儼慶弗陳奎輅之容况當越紳之時亦損
垂裳之飾笙磬設而不作案盛素而益慶事有權宜
靈斯悅豫臣身拘乘傳心在執邊授左篇之詩媿漢
儒之難及右四方之報幸周頌之可歌

明堂貢報狀

蒐越紳之儀九筵陟配謹執遵之職萬富駿奔前件
物貨出來提品非白撰稽舊圖于公王已頌戎將省
內府之耐金庶逃邦憲

謝赦表

明堂度九尺之延鹿房心于穹漢天下亡一人之獄
流雨露之湛恩凡在戎圍率同擧壤中謝恭唯
皇帝陛下輝光周頌度越帝圖消吉日于抄秋講多
儀于路寢禮成奠璧已嚴久而配天澤播封錢何為
半而畫地臣復聞巡事稊綴外臺鼓舞飛鴻慶漏泉
之大青奉行寬恤懲掛壁之虛文

賀誅元顏亮表

明詔出車憺英威于毳幕元凶染鐔布吉語于藁街
喜匝幅員事趨蘭策中賀竊以陽九厄于百六會否
終則傾運一變者三十年惡周必復國贊游于昔者

胡扛鼎以信然若聖與仁不忍干戈之用以大事小
屢指玉帛之珍悔禍有期歎盟在彼一介列闕謂割
地之請為必從兩宮蒙塵豈戴天之仇而不報雷霆
震怒日月耀兵雖邊捷之交馳偶淮師之小舫致令
對壘直欲涉江蓋仄步既應童謡那無天道恐棘門
或兒戲將屈帝尊孰如呼吸之間已得分勝之報如
禍胎殄絕散氣澄清詎容去服以寔益政可添頤而
為器示猾夏四夷之戒慰在天九廟之靈肥水之敗
符堅尚猶亡國澶淵之滅捷覽永斷侵疆俟猛將之
犁庭治舊京而迎蹕復無再舉慶不一書恭惟

皇帝陛下春斷有為而護必勝坐料目中之虜迄成
挑上之屠殲厥渠魁斯足據高文之憤禫于始行何
止歸節謹之田臣又既無以磨崖武又不能略地距
躍三陌易同折屐之歡臚白九賓願上奉觴之壽

車駕視師起居表

百將爭馳必推鋒而滅虜九旆順動敬按轡以勞軍
喜氣騰空祥光護野中賀恭惟

皇帝陛下振威撥亂發憤罷和坐滅凶首乃帝王以
全而取勝仰符天意蓋春秋尤大于復仇蒙犯和寒
勤勞清蹕茲周行予壁壘即光復于京都臣丰食無

功咫尺在望負羈絃而巡天下敢齒執爨有壺箪以
迎王師竊思馮軼

謝賜紹興三十二年曆日表

居卿底日以南正而司天治曆明時非魯人之史闕
紀元有永賜札惟榮中謝共惟

皇帝陛下德煥矣精氣調玉燭枝疇人之疏密得神
英之本先正朔所加恭中原之舊郡奎輿斯動考吉
日于叢辰臣秉傳備負闡編謹始橫行破虜年新數
于中興平糴利民載必觀于上軌

提刑小謝賜曆日表

歸奇衆閭大衍之數可推辛次失方孟陬之躔已正
札書所賜縣宇爭傳中謝恭惟

皇帝陛下政叶璣衡明齊曜魄義完南而和宅朔法
帝堯之授人時趙舉眷而倪舉秋細魏相之陳月令
冒海隅之出日靡天下以向風臣偶以攝空游茲拜
况好生惡死體任德而省刑力耕數耘期歐氏之樂
業

車駕回臨安起居表

鳴笳近甸俯臨細柳之營回軫離宮何取長楊之獵
百神迎蹕萬寓騰觀中謝恭惟

皇帝陛下業濟艱難志圖清壹淮陰已縛非高祖偽
雲夢之游櫟紈既平宜宣玉復文武之士欲講清廟
升祔之禮不憚屈車來徃之勞天克相于吉行民不
知夫順勸臣幸因使指入拜威顏從駕在豹尾中無
階扈聖快心于狼望北尚冀銘功

欽宗皇帝祔廟慰表

靈駕居夷後七月因山之制禮官踵故講九虞祔室
之儀覆燾之間悲摧罔極中慰恭惟

皇帝陛下念深錫翼狠絕龍髯攘狄復讎啓周人之
白旆從錢下詔同晉國之墨哀方緣江而視師為外

廟而回環嚴禋之際宿憤已摠即聞卜洛之期斯慰
涉岡之孝願裁威祀式狗輿情

欽宗皇帝小祥慰表

蒼梧不返正瞻望于靈輜新穀既升已變更于緹籥
凡居臨照同盡攀號中慰恭惟

皇帝陛下承續丕圖盡傷遠狩因心則友履霜露以
纏悲折馘而還封鯨鯢而示報茲逢練祭願抑哀情

顯仁皇后大祥慰表

坤載去傾痛柁陵之永闕喪期有數驚駟隙之如馳
中慰恭惟

皇帝陛下孝德無加哀情罔極臨朝而慕不忘問寢
之時肆貴所行尚軫稱鶴之澤茲逢祥祭橫集悲悰
願欽對越之靈式徇御然之禮

盤洲文集卷第三十七

盤洲文集卷第三十八

表二十二首

戶部員外郎淮東總領供職謝表

秉傳金臺文叨榮于卿部綴員卽位遂董餉于軍門
下拜頂息疾驅蒞職中謝伏念臣耳聞不廣心許甚
踈迹遠朝班失登瀛之故步官慚使指窈鬻海之虛
名類年獲覲于清光仍世俱霑于異渥家聲有忝處
鴈序而不能鳴矢語屢褒謂鷲材之皆可用故茲推
擇驟出等夷方高宮佑再造之機而英斷講萬全之
策增淮濱之幕府下海道之樓船七萃雲屯舉張願

而持哺千金日費難拱于以蒙成教宿飽之可則固
空餐之是惧茲蓋伏遇

皇帝陛下規恢故境選擢群材細柳屈帝尊惠已深
于挾纊前茅戒軍政人自樂于摧鋒念足食乃能足
兵已治內然後治外狠令叢品姑試事權臣敢不慮
存缺乏勉旃代匱秉此
之運少佐武功竭其文
教之忠不為文具

太上皇帝內禪賀表

睿斷無前寔圖有託慶餘宗祐瑞發乾心
中賀恭惟
太上皇帝陛下臨照四方憂勤三紀開儲禁非狠切

之請巽大位於間暇之時殺單于而敗單于摠高文
之憤矣家天下如官天下法堯禹而兼之樂哉別宮
釋此重負臣偶分外寄莫綴末班徒傾微藿之誠第
祝大椿之壽

皇帝登寶位賀表

虔遵中詔先御丕圖四方歸心千歲接統
中賀恭惟
皇帝陛下聰明稽古仁孝承祧天之曆數在躬重華
協帝王有聖德受命下武繼文規恢再造之功鞏固
無疆之祚臣名叅即位職闔轅門徒馳拱極之誠莫
預呼嵩之列

登寶位貢銀狀

伏以龍飛御極既天德之有開虎拜泰珍豈玉人而
可闕前件物載諸禹貢掌在周官涌地致祥敢參三
帛之贄旅庭率職深九牧之金

謝登極赦書表

日月合明仰大君之繼照雷雨作解洽盛德之好生
靡然有截之區覃此非常之霈中謝恭惟

皇帝陛下誕膺天命光宅帝尊增重規疊矩之休行
破觚斲珣之政問安視膳傳治國之仁心施惠布恩
薰空罔之協氣臣幸因使事獲拜札書獄亡一人頌

已騰于廣陌畿方千里覩茲快于速郵

太上皇帝上尊號賀表

發揚聖德膺受徽稱諏日播傳望雲呼儂中賀恭惟
太上皇帝陛下居域中之大以天下為公位既正於
青宮心遂輕於黃屋鬱蒸之氣既久著于林符巍蕩
之名更外光于顯冊乾坤合慶宗廟產祥臣遠采異
聞難形鉅美事高堯典六五帝以垂鴻誠擬華封人
千春而介壽

賀皇帝上太上尊號表

考古先之闕典崇太上之尊稱傳命詔函騰驩坤軸

中賀恭惟

皇帝陛下纂堯之緒尊文之聲五十一朝未伸業
之心千秋萬歲欲顯巍之名乃揆休展式加明號
祝壽齡之縣永彰聖德之輝光臣迹滯江濱心馳日
下望丹墀之九級效喬嶽之三呼

賀會慶節表

舒虹紀節日在析木之津翔鳳騰章下獻南山之壽
中賀恭惟

皇帝陛下繼明疊矩受命迓衡傳位非漢唐踵二皇
之遐武事親若曾閔得萬國之歡心初開長發之祥

共上無疆之祝臣名塵省戶身限都門鶴鷺分行莫
筮班庭之列罔陵介祉第深存闕之誠

謝賜隆興元年曆日表

真主履端七政在璣衡之器疇人課密萬民觀象魏
之章覆載無私奉行唯謹中謝恭惟

皇帝陛下誕膺駿命光宅丕圖元年者君之始年春
秋乃承於天意九服其外曰蕃服正朔已如其國人
式頒曆象之文咸識旦昏之候臣猥司外計例拜新
書雖有考于王正顧何知於帝方

賀天申節表

業隆化馬善脫屣於繁機節紀流虹納垂紳之嘉頌
中賀恭惟

太上皇帝陛下希夷合道昌熾錫符宮室安安欲哂
新豐之築神祇擁右不勞方丈之求彌月斯臨後天
有禱臣猥司軍餉莫綴朝班錄金鑑而上十章具存
彛訓奉玉卮而稱萬壽胥慶縟儀

欽宗大祥慰太上表

瞻蒼梧之野尚結愁雲廢宗楝之篇游經旬歲哀纏
情而無盡禮順變而有終中慰恭惟
太上皇帝陛下望斷龍顏愛御名鴈齒書謂之五典已

分天下之憂喪不過三年遂畢聖人之孝願寬悲愴
以對榮懷

又慰皇帝表

朔方遠狩悵未返於龍輶西汜疾馳驚再更於葭律
哀纏當宁恨結群編中慰恭惟

皇帝陛下甫協帝華如繩祖武策士罷臨軒之禮復
停輿出塞之師塞徃暑來遂畢三年之祭乾旋坤轉
諏六綍之儀願豁悲情以尊神器

賀會慶節表

月管就盈時既和於玉燭皇樞紀瑞慶斯會於金鑪

凡在九圍共祈萬壽中賀恭惟

皇帝陛下聖明繼代勤儉宅尊披輿地之圖欲規恢
於禹迹歷中天之載實符合於漢興誕節再逢頌聲
四起臣名忝即選職趨軍須竊比華封請祝虹流之
祉仰瞻魏闕莫陪虎拜之班

賀立皇后表

吉協著經儀成椒屋星軒絢彩地軸臆歡中賀竊以
二南為王化之基六職修陰坤之全必登建於邦媛
斯昭著於皇嬪彤史所書芳圖可監恭惟

皇帝陛下重華協帝首善齊家崇九廟之嚴禋竭兩

宮之孝養再歲已勤于內助中闈未奏于隆名遵太
上之訓詞備有司之典冊倪天所命遡日為明太姒
嗣徽音益顯太任之德長秋正坤極永承長樂之顏
臣出掌軍須側聞國慶祝聖人之多子竊效堯封歌
淑女之進賢何慚周什

賀皇后牋

發祥龜笑正位宮闈歌二南芡苡之詩備六服禱禴
之禮中賀恭惟

皇后殿下明章淑範肖似徽音大練厚繒法陰馬中
興之后重侯累將鄙宣元外戚之家坤極既尊母儀

可仰臣方司外計莫綴末班慶椒掖之禮成傾葵心而頌作

賀太上皇帝表

乾綱繼代爰契聖坤則正名更勤慈訓禮成今日慶出陳編中賀恭惟

太上皇帝陛下等遠泰元凝神道妙幾年薦舜邁盛德于帝勛三母翼周示美音于太姒章宮中之婦順作天下之母儀臣偶縛微官竊聞緡典班莫超于九級化益詠于二南

賀壽聖皇后牋

祥開穀旦儀講椒塗具嘉慶以無前仰徽音之有續中賀恭惟

壽聖皇后殿下景鐘撰德沙鹿垂光夏之興也以塗山助成寶葉葛之覃兮于中谷允蹈聲詩茲選建於副禕益怡愉於長樂臣職位外閭身鬲上都敢哀學壤之謠用繼覩天之雅

謝除司農少卿表

分職供軍每懼乏興之謹結名司稼更叨因任之榮力短無庸息隆曷報中謝伏念臣螢光弗遠鼠技易窮偶竊即曹之稱未專餉道之事逢時多壘尸祿再

暮興十萬師則費千金況增禁旅率三十鍾而致一石遠出淮瀆東遷齊附之遺黎北受匈歸之雜種市租輸入莫府茲事急聞衣食仰給縣官其人愈衆常虞不足之患徒辱非常之刑華表自天忽得有勞之獎列卿惟月遂塵不次之除重拜綸言彌光使指深恩激勸獨誓糜捐茲蓋伏遇

皇帝陛下德盛協華政先核寔整先經武內堅再造之誠任賢使能兼屈萬全之策雖輸平而款塞益嚴備以防邊不棄斗筲之材庶終尺寸之效臣敢不樽節出內防閑獎欺峙三遂之芻芟瞻前敢闕問一歲

之錢穀善後是圖

謝賜隆興二年曆日表

泰階陳六符之經若稽要說玉燭調二年之曆誕布新書賜札為榮開編有考中謝竊以驗之天道則有分至啓閉之叙施之人事則有析因夷燠之宜明主求端而向謹中星之候疇人失閏西流差大火之躔課密奏篇統元貽憲恭惟

皇帝陛下德參穹壤政法陰陽行夏之時不爽孟陬之紀紹堯之後復修賜谷之官荐居正以次春始歸餘而成歲臣例叨頒朔未獲朝正名玷稽臣義寔慚

於九扈職專餉道積惟幸於千倉

謝中書舍人表

起草八埒懼攝承之大譴判花四戶塵清切之近班
自憐骨相之寒更冒身章之罷瞻天拜命跼地銜恩
中謝竊以典冊之難古今所重欲發揮於聖意用鼓
動於群情必兼麗卿雲無翫敵詆媒之病則上規姚
姒有聲牙幽眇之風如臣者學殖就荒詞鋒愈銳異
時擢第竊入洛之虛聲要路問程綴金瀛之顯列中
邊禁錮久事蟄藏幸琴瑟之更張齒搢紳而復用疊
懷郡鞍游易使詔遙聯卽位之名分摠軍儲之寄東

春秋於高閣已謝毛錐呼庚癸于首山但防羽檄滯
躋鄉寺重到帝城稅凡質于滄塗駭英游于夢境議
禮同於聚訟弗通因革之宜孚號以之揚庭莫擬旦
明之訓徒夸三組蔑補一毫叨眷主之親除正詞臣
之高選顧掌制甚榮于內外豈備負能善于始終况
朝政之所闕雖救書而可議詎容齷齪之品乃玷論
思之闕獲戾有期循涯非據此蓋
皇帝陛下剛健中正緝熙克明被六藝而佩禮文學
雖稽古練群臣而揆名夏官必擇材何取鯁生使陳
薄技重念臣一門再世繼入北庭同產三人迭居西

省茲對紫薇之直寔增棠棣之華蒙兩朝雨露之私
預盛事衣冠之數儻報恩之有路雖赴死而不辭

謝宣召入學士院表

叨翰苑之優遷循墻莫避拜綸函之嚴召瞻闕而趨
仰面命之非常豈心期之敢望中謝竊以嚴樂司馬
之于漢中外相應以義理之文張陵九齡之於唐出
入得參乎謀議之職禮秩歷時而逾重官曹從昔而
極清不惟專掌於代言至乃與聞於論相莫階視蔭
有五埶學士之期蓮炬分光非半夜鬼神之間迨皇
朝之稽古廣賢路而得人或經年闕長而不除必接

畫量才而後用如臣者學纔涉獵志不激叩自重入
於修門即浸階於華序久塵視草咸刺伐檀偶逢疆
事之興且改郊禋之卜鈴條潛動泥札交馳適以獨
負復司外制初乏湧泉之思常懷閣筆之憂報單于
之書何能道邊萌之禍下奉天之詔無以感悍卒之
心顧五技之盡窮覬一麾而可去忽盼鳳尾之詔驟
陟鼇頭之班紫誥黃麻念史談嘗掌斯事前鴻後雁
至盧奐三居其官寵厚益驚職親曷稱茲蓋

皇帝陛下詳明政體精選人材賜宴清閒已命經筵
之遞宿問民疾若將修浴殿之舊儀既灼見於愚忠

遂曲加于飭擢臣敢不益尋素業勉企前英雖慚華
國之辭敢負致君之學力行直道每懲朋比之私上
報異恩儻效涓埃之補

謝賜衣帶鞍馬表

色絲盛服兼金賁於九環鈿轡文韉上駟來於六廐
折腰增煥問景知慚中謝伏念臣質謝囊錐業荒裘
冶試演綸之末伎玷特橐之清班帶櫛具而冠進賢
漫綴章逢之位駕齧鄰而驟乘旦敢萌馳騫之心驚
此龍光被之駕猥此蓋伏遇
皇帝陛下恩隆文陞禮重禁林市駿而築燕臺始於

郭隗解衣而呼陸九如彼唐宗仰叨覆載之私曷稱
便蕃之錫著鞭而騏驥居後難逃劉瑀之譏束帶而
賓客與言竊起公西之慕

盤洲文集卷第三十八

盤洲文集卷第三十九

表十九首

辭免簽書樞密院表

厯思曲被寔深非據之憂溫詔下盼益重若驚之寵
控忱詞而屢瀆期聰聽之可回惟敬俟於嚴誅或退
尋於故步中謝伏念臣斗筭小器佔畢陋儒遭逢特
達之知度越輩流之上繪章飾句尚堪報策於駕材
經武整策烏可參陪於籌幄躡先後軌必速煩言伏
望

皇帝陛下施等乾坤明垂日月鑒此由衷之請略夫

反汗之嫌改用英賢使分宥密之務庶幾庸瑣獲免
顛濟之虞

謝表

間兩社而為輔超級邇聯籌千里以折衝肩勝重任
仰承殊命內集危衷中謝伏念臣處世卻行入朝寡
與出言如縛莫追溫厚之風持論不根祇瀆崇高之
聽每虞幽黜獨忝誤知方進陟於禁林忽躡居于宥
地偃辭弗遂尸素惟憂念君臣遇合之難况之千載
顧兄弟因循相繼曾不一年寵既疊於私門望豈孚
於公議茲蓋伏遇

皇帝陛下勵精治具垂意人材求儒雅以闡大猷術
分邪正有常德以立武事道叶施張雖當偃革之秋
尤軫解絃之慮謂臣慙愚之見寸或有長知臣頑銳
之姿詳於已試欲其中立責以自強故奎畫有明諒
誠易之褒而玉音申可否毗贊之戒眷存至此報塞
謂何懼無補于幾庭終難逃于譴域臣敢不瞻前為
監善後是圖取人絕親舊之私遇事去朋黨之弊佩
丁寧之訓常恐雷同翰悃幅之誠更期海納臣無任

德壽宮謝表

致身紫橐浸高視草之班接武橫樞初乏從薪之策

仰祗茂渥莫遂深辭中謝伏念臣性愚不移材薄無
用咨四岳能典朕禮微討論制作之長俾萬姓咸大
王言非明白溫純之比久後執屢觸危機載尋偃
革之盟首預乘輅之選念先臣有雪纜之厄雖禿節
之尚存而同產遭霜簡之彈亦覆車之可畏偶憑帝
力獲締隣驩將溼請以休故山忽拜恩而長翰苑未
安坐席久陟籌帷顧宥密之責匪輕懼謫何之事難
免茲蓋伏遇

太上皇帝陛下蹈堯舜聖神之迹記蘇張忠義之家
兩世受知曷報高天之德一門集寵存叨政地之除

內揆僥踰益增隕越臣敢不鞭笞駑駕景行英塵抱
公滅私常無忘于三省整軍經武庶有補于一毫臣
無任

謝賜生日生餼表

溫檢成章軫門孤之初度貴貂傳命拜臺餽之多儀
自顧冥頑甚慚錫三中謝伏念臣學不足以通治體
材不足以贊沉幾自登筆橐之班浸列鈞樞之任一
塵無補百謫是憂祿弗洎親方篤蓼莪之感恩斯達
下更切華袞之褒此蓋伏遇

皇帝陛下仁等上天禮優近輔有醜餼羊之賜以榮

犬馬之生竊誓孤忠曷酬洪覆臣無任

辭免參知政事表

使璫狎至方戰越于新班詔札鼎未未允俞于微悃
危^倅鉅臨谷辭迫循墻中謝伏念臣弱羽不可高飛鴛
鴛鳥能遠適入朝見嫉防市虎之相侵憂國無聞笑
井蛙之奚算自參宥密益負空餐忽叨制渥之私俾
預政途之列倘貪榮而不惧必獲戾以何逃伏望
皇帝陛下責寔循名量材後任憐孤蹤之安用寢茂
命于已行別選異能式隆上治臣無任

謝表

政塗脩數祇遵畫一之規樞筦攝空奚堪共二之寄
偃偃弗回於經德戰兢徒集於微躬中謝竊以帝王
以知人為難臣鄰以得時為慶必緼熙朝之業始凝
弼右之勳亶上聖之有為咨實材之可用權綱欲振
治具未張士風奔競而所患乏材軍政糾紛而曷為
立武豐財孰究其策去弊莫知其方既台緄之位尚
虛故輔臣之責尤重如臣者荒疎之學不足以斷國
論災眚之識不足以燭事幾誤簡淵衷浸超華轍惟
基命於夙夜甫玷近司倘責備于春秋已奸黜典敢
謂九天之渥益躋兩地之班在三卿之中方期學步

於百寮之上尤懼代庖鏤骨銜恩汗顏就列茲蓋伏
遇
皇帝陛下大明獨照洪覆兼容謂其久待清光體勵
精圖治之意使之共調元化成砥節首公之名臣敢
不仰稱選掄自加鞭策正紀綱而守法度誦聖語以
力行籌帷幄而坐廟堂竭愚誠而思報臣無任

德壽宮謝表

祇拜恩綸進陪政路偃僂莫回於茂渥赳赳有覲于
周行中謝竊以股肱之寄責之二三臣文武之柄繫
乎東西府非得爽邦之彥曷隆致主之名如臣者學

不能考古而驗今材不能任重而致遠叨兩朝之殊
眷踐多士之清班歲月浸淹消塵奚補報淮南之詔
雖嘗名于王褒草贊普之書終遠慚于陸贄甫從黿
禁入贊鴻樞帷幄運籌無邊衝之可折絲綸出命豈
國論之能參集此僥踰若為稱塞茲蓋伏遇
太上皇帝陛下如天覆燾猶日臨照謂其世紹箕裘
或佩教忠之訓使之位聯鼎軸倘收偃武之功臣敢
不銘骨知榮糜軀思效仰輔協華之治常虞竊位之
譏臣無任

辭免除右僕射兼樞密使第二表

大庭渙號仰驚茂渥之盼細札成文未狗愚衷之請
敢干威咫尺仍瀝忱辭中謝伏念臣復近觚稜初無介
紹受非常之知遇忝不次之遷除雖孤踪屢至于貼
危獨淵覆曲為之涵宥既超籌幄浸列政途一言可
以興邦曾靡管窺之益四岳有能熙載遂叨柄用之
私念大君摠攬于權綱欲內治脩明于法度行信賞
必罰之政求舉漏補弊之方杜邪枉之門去朋比之
黨財莫公私之皆足事期小大之畢張非得真賢曷
勝重任豈伊模邈可備使令竊深據蒞之憂何止伐
檀之刺伏望

皇帝陛下乾坤委鑒曜魄垂光別求有用之材俾免
疾顛之患臣無任

第三表

階六符以觀天象漸齊色月三日而成魄勢合辭盈
荐瀆蓋高自知不宥中謝伏念臣器非任重識不燭
微自躡政塗即尸宰枋樞機周密豈神爵五鳳之年
威福剛柔昧洪範九疇之叙况此相臣之闕歷乎旬
月之期予印惟難拂龜有待茲竊處中之位必貽歇
後之譏伏望

皇帝陛下念不移之愚追已下之命曲全叢品用穆

僉言臣無任

謝表

清朝尸祿已寬策免之科當軸秉鈞更誤廷揚之命
渙音弗及朽質自驚中謝竊以宰相遂萬物之宜實
來康濟之效天下猶一堂之上可使戚欣之殊儻膠
柱而無應變之長或括囊而乏盡瘁之義則不能仰
崇后德下慰民瞻必有隆棟柱石之材始堪巨川舟
楫之用豈伊匪據可以自強如臣者天子凡姿人知
窮步幸千齡之獨遇致一歲而屢遷尊俎折衝媿汲
直獲謀之美璣衡齊政蔑舜官熙載之能雖區區欲

塞于偉門亦揣、恐行于危道祇憑聖察敢罄愚誠
不勝丹慊之憂輒請素餐之罪甫蒙恩宥迺玷褒除
宰席踐久虛之班籌帳高對掌之職疏封侯壤進秩
文階寵渥便蕃有此雨露之澤制詞訓敕出乎雲漢
之章竊顧罷駕若為補報恭惟

皇帝陛下焦勞圖治寤寐求賢視朝有禹湯之明當
饋發蕭曹之歎神聖其臣莫及尚未鄙言天地之德
曰生曲全弱植矜其不逮勉以有為臣敢不期稱所
蒙力行不變佩惠夫徇私之戒久矣書紳守奉公履
正之規庶其補袞臣無任

謝宮祠表

旬月贊襄終負和羹之美一朝顛沛自貽覆餗之殃
仰戴仁天得賒死地驚魂未返渙命難勝中謝伏念
臣材匪時須任無人望指脩門而重入偶被簡知登
要路以亟遷久遭冒嫉既參宥畫馴陟台司不量駑
鈍之姿欲副丁寧之訓然力小安可以任重惟本弱
故易于根危茲因燮理之非願請曠瘼之罪庶圖上
印獲免傷弓眷注未衰尚褒辭之在耳詆訾不恕忽
彈奏之吹毛獨賴聖明特寬典憲徹侯就國已年巖
石之具瞻秘殿奉祠無異急流而勇退制旨偃受感

涕交釋茲益伏遇
皇帝陛下寵厚股肱禮存體貌方此燭幽達枉不盡
信于多官憐其執法奉公致浸奸於衆怒未減投荒
之遣保全出晝之行臣敢不鏤骨銜恩洗心思咎乾
坤莫報益堅存闕之忠畎畝可歸或企灌園之迹臣
無任

紹興府謝到任表

上丞相之印甫獲退藏懷會稽之草遽叨進用既自
天而申命即便道以之官中謝伏念臣誠闇物光品
居人下幸際風雲之會浸塵柱石之班珮聖訓之丁

寧靡辭任怨忘駑姿之譎薄強欲徇公曾未建于大
中已見愠于群小彈文雜襲雖投裔不快其私淵度
矜容使歸田以避其毒自違威咫尺閱歲華仰沐知
憐屢形獎錄敢覬起家之寵遂膺維屏之除收拭恩
隆靡捐報淺惟茲禹會是謂佞藩職連率則長于東
方諸侯拱行闕則比之西都三輔就堯如日身既近
于長安入越之疆心甚慚于范蠡所虞瘼曠復誤使
令茲蓋伏遇

皇帝陛下擇共理之材振內修之政大明黜陟小人
之道日消獨摠權綱五帝其臣莫及不棄蓋帷之舊

俾分戟纛之榮臣敢不思稱所蒙自鞭其後布宣德
澤唯民瘼之是求剗剔姦貪冀州箴之可舉臣無任

朝永祐陵表

維乾道二年歲次丙戌十月辛未朔十二日壬午具
位臣洪某恭詣

徽宗皇帝永祐陵攢宮朝謁者臣某頓首頓首言曰
垂衣裳于盛旦咸仰文謨藏弓劍于名山茲連禹穴
臣牽絲自外蒞篆惟新敢循守土之常獲展拜陵之
敬恭惟聖鑒俯諒徽衷臣某頓首頓首謹言

詣后攢宮表

續有藝之史永播徽音瞻於越之山寶藏大練臣牽
絲有命懷組是邦敢遵故事之常式展幽宮之敬恭
惟靈鑒俯諒微衷

謝賜銀合臘藥表

連郵斯暨良劑來盼遙拜明庭敬歲溫詔中謝伏念
臣叨臨近輔甫對抄冬年在中身同早衰之蒲柳藥
皆上品如遠采於蓬萊輔以采提之珍貴于宛委之
域沉疴可免腴手惟榮此蓋伏遇

皇帝陛下仁德宅中恩波浹下使臣以禮茲存體貌
之餘視民如傷况乃股肱之舊故惟賜式俾護生經

倘賒溝壑之填必報乾坤之施臣無任

謝賜曆日表

重離南面初臨再劫之年大火西流斯正餘分之曆
新書誕布綿寓前知中謝伏以業纂疇人數或譏于
乖次事傳遠古法尤重于歸奇恭惟

皇帝陛下以天聰明如日臨照九疇攸叙斂五福以
錫民七政以齊定四時而成歲同文所暨開卷遂行
臣職忝十連壤均三輔火耕水耨俾不失于農期夜
寐夙興唯深思于王事

天儀默運茲臨上戊之纏民用前知如揭先庚之信

奏篇既出賜札惟均中謝恭惟

皇帝陛下離治嚮明乾剛行健解絃更化奮木鐸以
令兆民截管考聲在玉衡以齊七政清臺所考繇寓
式同臣久玷竹符再開總曆司分司啓已知來歲之
宜或耔或耘益勉西疇之事

謝賜夏藥表

時臨三伏孰禦炎威札降十行鼎來珍劑偃躬登受
盥手開膏中謝伏念臣猥典介藩密依魏闕比因衰
病將辟穀以追赤松之游茲拜恩盼可入門而遠黃
熊之夢此蓋伏遇

皇帝陛下仁懷舊弼物重常儀御南風之琴普令解
愠賜西山之藥曲使衛生倘幸免于熱中期永肩于
報上

安恭皇后上僊慰表

稷起坤倪光沉軒曜凡居履載靡不衰摧中慰伏以
大行皇后著德椒塗傳芳蘭館曷之章兮于中谷光
蹈雅言夏之興也以塗山聿追前躅孰謂倪天之聖
遽屬邈日之明恭惟

皇帝陛下化格御邦恩隆儷極懷哉淑範悼故劍而
不忘布此黼筵覩副禕而有感願遵經札俯剖悲深

臣恨以職守不獲奔闕庭稱慰

盤洲文集卷第三十九

盤洲文集卷第四十

表二十七

謝郊祀禮成加恩表

伏念臣待罪山陰依先日下遇聖主再郊之歲有闕
包茅均泰元三獻之釐遂霑細札既衍井畚之賦更
叨公社之封中謝茲蓋伏遇

皇帝陛下澤欲下流福非專鄉奉瑄玉而饗帝
縟儀坐酎金而奪侯悉除弊法故茲陞典禮及微臣
誓堅存闕之忠用侈傳家之慶臣無任

謝賜銀合臘藥表

承流無補久懷視蔭之慚拜况有光期免負薪之疾
鴻私曲被弱質難勝中謝臣聞出璽賜金漢室用旌
於良吏剪鬚和藥唐宗以療於元勳惟聖朝獨異於
蕩垣故盼式並行於伏臘恭惟

皇帝陛下仁如天覆恩與風翔帝堯立四時之官式
謹司冬之令神農審百草之味蓋存濟衆之心軫此
下臣錫之名劑使積痼之去體期後效以捐軀臣無
任

謝提舉臨安府洞霄宮表

典股肱之即曠職懷憂領香火之祠拜恩從欲謹何

獲免銘鏤難言中謝伏念臣姿稟凡庸智能局促獨
玷前旒之殊遇遂登右鼎之巍班數月盡心因有一
毫之補衆言銷骨欲行四罪之誅仰賴簡知第從策
免未皇黔突即忝專城念牧人御衆之難體責實循
名之政妄欲抑強而宣化未嘗畫諾以養高自恨斗
筲之材訖無尺寸之效况以蚤衰之蒲柳居然遠想
於扮榆屨貢忱詞始諧歸志奉三年之計有媿前塵
起千里之行復尋故步此益伏遇

皇帝陛下軫憐舊輔宣布異恩茲聞同產之對敬復
辱淵衷之稱獎託臣立朝之宣力深咎懷姦之人察

臣守土之寡尤曲徇養疴之請少休疲繭曷報生成
衡宇可瞻雖幸眄柯之適長安浸遠但馳傾藿之誠
臣無任

賀天申節表

太階平而玉衡正甫臨九夏之中聖人出則里社鳴
斯慶千秋之節中賀恭惟

太上皇帝陛下道隆衆父德邁三皇博衍優游享尊
親之大養聰明光宅授翼子以燕謀茲逢流渚之辰
共上呼嵩之祝臣獲休鄉闈莫預庭紳想萬壽之稱
觴袞龍拜手望九垓而貢牘蝼蟻馳情臣無任

賀郊祀禮成表

致懿竹宮簡靈辰而允協流光珠幄慶茲祀之備成
德九垓驩傾六幕中賀竊謂惟聖人然後能饗上帝
所以降康周室庇官奏黃鐘大呂之樂漢京紀瑞作
赤鴈白麟之歌於鏗昌期高邁前躅恭惟
皇帝陛下應天尚寶除地揭虔格悅近來遠之和崇
交神塞明之報四主有卽穆然祇粟之容八陛為壇
絜爾靜嘉之薦星輝雲潤乾清坤夷納鴻祐以無疆
薰嘉生於有截臣駿奔跡遠率舞情深建太常之辰
旒載欣踐事奉有司之瑄玉徒想侍祠臣無任

賀太上皇帝加尊號表

禮尊丕冊慶濫慈宮凡厥式圖率皆擊壤中賀恭惟
皇帝陛下垂衣三紀脫屣萬機昂來高厚之祥泰處
希夷之樂惟天比大魏之守無能名以道自娛恢々
其有餘地游隆名號共覩縟儀臣退伏故鄉邀聞盛
典上玉卮之壽莫拜下之班紉金匱之書獨仰光
前之蹟臣無任

賀壽聖明慈太上皇后加尊號牋

蒐舉縟儀鋪章寶冊福歸慈禁喜溢綿區中賀恭惟
皇后殿下聃德坤元儂尊乾極一成祀夏實內助以

經邦三母翼周絕外言之入相偕享壽康之樂荐加
光大之稱臣遥睇龍墀莫班鷺綴播傳鉅典益隆邈
日之明歌詠徽音願續倪天之雅臣無任

兩宮加尊號賀皇帝表

瑞集慈闈冊尊顯號詔書所布驩頌載騰中賀恭惟
皇帝陛下德邁羲農行高曾閔緝武有鑿乾之志問
安得治國之經堯以受命為憂正享倦勤之樂舜盡
事親之道益隆賓寶之名臣久去雲霄遠藏田野拜
表章於興慶身高班行蒐禮典於曲臺心傾儀注臣

無任

卷四十

立皇太子賀太上表

英主守文協重華於盛旦元儲繩武開游震之休祥
慈禁益尊皇圖有永中賀恭惟

太上皇帝陛下德垂後裔道冠前王萬方懷覆物之
仁十載饗倦勤之樂五帝足六揭巍：蕩：之名一
日見三衍繼：承：之慶臣身居鄉社心係宮庭莫
參振鷺之班祇益參拊鼉之喜臣無任

賀皇帝表

吉日臚傳前星彪列布宣細札鼓舞綿區中賀恭惟
皇帝陛下聖德無前英規復古深惟國本之重默契

天心之公龜筮既從袞龍獨斷故文以良兆三索之
珍符相見乎離著重明之上象臣退藏田野遐想闕
庭徒存拱極之誠莫睹呼嵩之慶臣無任

賀皇太子牋

覆載凝符元良主鬯慶開宗社驩動幅員中賀恭惟
皇太子殿下仁孝生知溫文日就天開地闢已題再
造之期海潤星暉於赫重光之瑞兩宮有喜萬祀無
疆某逖處故鄉欣聞徽典馳心鶴禁莫窺錢牒之文
矯首鴻儀徒想班庭之禮某無任

謝郊祀加恩表

熙事先前封泰壇之嘉貺慶條逮下行井邑之新腴
仰望明庭敬祇茂渥中謝伏念臣退休故里遠隔上
都想進幣於中宵莫瞻三獻記執綬於曩日又見兩
郊何期商賚之行亦在周行之數茲蓋伏遇
皇帝陛下誠格穹壤孝寧廟祧禮既講于逆釐意實
顯於歛福惟漏泉之澤已浹遐故增戶之恩靡分
中外臣深知禮屈益媿名浮竊幸逸居得養漳濱之
疾敢循文具輒辭叩殿之封

會慶節賀表

日臨析木光凝北陸之躔星仰流虹瑞起南山之頌

式園所暨拱極迫同中賀恭惟

皇帝陛下德煥重華志圖再造總綱振領尊居獲護
之中越契踰繩何取鴻荒之際皇風載躡協氣橫流
卓哉彌月之祥申以後天之祝臣庇身尺地矯首欣
顏百辟奉觴茲數十年之慶九垓衍英已題萬壽之
期

天申節賀表

伏以十載倦勤享大極彌高之樂萬方介壽增電樞
有永之符聲教所覃騷呼中賀恭惟

太上皇帝陛下化行禹貢德廣堯仁乃武乃文濟興

王之大業已安已治授聖子以貽謀誕開金殿之祥
荐講玉卮之慶臣退居故里阻望嚴宸徒傾葵藿之
誠莫布松椿之頌

謝加恩表

圓丘展策驩已接于靈旂中禁均釐恩遂加於上笏
寵光所及震悖靡寧中謝伏念臣一去闕廷三逢郊
類包茅何有職弗預於駿奔食采益增心甚慚於饗
竊茲蓋伏遇

皇帝陛下福非專享澤欲旁流其出如綸尚暨要荒
之服多與之邑不遺小大之臣故此慶條逮于舊弼

臣潛山已老報國無階雖深偃偃之情實負陪御之

渥臣無任

賀太上皇帝加尊號表

禮崇寶冊瑞湊慈宮凡在提封率皆踴躍中賀恭惟
太上皇帝陛下赤符受命黃屋非心兆民蒙偃武之
恩三紀獲崇文之效太上立德存誠踐履于義經天
下歸仁盡性兼同于堯帝鴻名賓實縟典流光臣退
處丘樊遙瞻霄漢臚傳徽號驩呼興慶之班壽介王
危趣起未央之舉臣無任

賀太上皇后加尊號表

瑞集慈庭冊尊坤極照臨所暨拊蹈則同 中賀恭惟
太上皇后殿下邈日合明歌風播德堯天齊壽增巍
魏蕩之名舜子承顏鄙洩之融之樂徽稱三進
鉅典一新臣身在故鄉耳聞熙事葵傾四海漫馳存
闕之心花覆千官莫接呼嵩之武臣無任

賀皇帝表

慈闈受祉丕冊垂鴻聲教西覃耄倪同慶 中賀恭惟
皇帝陛下業隆再造德煥重華武能廣文之聲益揚
題蹟舜盡事親之道益講縟儀瑞溢堪輿事光竹帛
臣久違軒陛遠在丘園二聖重歡何取中興之頌八

音迭奏其陪上壽之班臣無任

太上皇帝慶七十賀表

作之君作之師邁百王之高躅得其位得其壽問七
帙之耆齡解澤流行龐眉呼僂 中賀恭惟

太上皇帝陛下垂裳二紀脫屣萬機授聖子以無為

今上御名堯天而兼覆講玉卮之禮自古所稀計銅邈之年
於茲為盛臣迹儕野老心慕封人敢賡茂栢之詩仰
介大椿之祉臣無任

太上慶七十賀皇帝表

慈闈得壽饗踰七望八之耆年縣寓臚驩逢咸五登

三之盛際厥今之慶振古所無 中賀恭惟
皇帝陛下協帝重華繼文下武奉兩宮之溫清閱五
閏以尊安堯蕩：無能名益介大椿之祉舜業：致
其孝獨光汗簡之藏臣身在卿間心馳軒陛想雲龍
之縟禮花動春幡覩雷雨之渥恩茶開秋網臣無任

謝慶壽加恩表

慈極縱心講後天之大庆周行拜手霑加地之新恩
却偃倭之虛文垂登閣之故事中謝恭惟
皇帝陛下以堯為父如舜事親長發其祥應七百卜
年之神英多與之邑記二三執政之舊人持出明綸

以彰盛典臣退藏故里祖相稜容既并賦之濫增顧
涓埃之何報臣無任

賀會慶節表

地闢天開際就盈之良月星流電繞書衍慶之非煙
凡在式圓率同擊壤 中賀恭惟

皇帝陛下聰明稽古慈儉宅尊息戰鬪以邦寧勸農
桑而家給稱玉卮之萬歲若舜事親上金鏡之十章
與唐比迹烜赫誕彌之節歌呼難老之謠臣久去宮
庭遠藏巖壑首百條而上壽夢想鴈行足五帙以增
年驩均鼇抃臣無任

賀立皇后表

靈祀膺音星軒絢彩凡依乾覆共仰坤儀中賀竊以
詩首閔睢吟咏二南之化禮稱禴翟辨明六服之容
惟嬪虞以媯汭之賢故翼夏者塗山之懿猗歎盛旦
倬彼芳塵恭惟

皇帝陛下景命中興容光下濟杜私謁以肅房闔茂
內德而御家邦觀法太妊得嗣徽之太姒承顏長樂
當正極于長秋喜動慈闈慶垂寶冊臣身藏田里心
係闕庭椒塗既進于鴻名繭館願脩于故事臣無任
賀皇后表

慶溢楓宸禮成椒星共賦倪天之雅仰瞻遡日之明
恭惟

皇后殿下播德鞠衣流光彤管繇良家八月之選冠
天極四星之躔周之興也太任續前塵于昔日葛
之覃兮于中谷助內治以歷年茲正位於純坤益盡
懽于長樂臣退藏三徑仰睇九垓想奉冊以馳心敢
貢賤而拜手

謝加恩表

八觚展采職弗預于奉璋四表均登渥遂儕于賜胙
華章所逮朽質為榮中謝恭惟

皇帝陛下降札先庚燔柴報本六變陶匏之樂五脩
繭粟之祠移慈極之孝心事天明而事地察受泰壇
之靈既如山壽而如川增澤欲廣于下流福靡懷于
專卿致茲多邑猥及微臣敢飾詐以循墻第銘恩而
存闕臣無任

賀明堂表

大饗總章慶合祛于天地傳臚象魏鼓丕號于雷風
凡在式圍率皆擊壤中賀恭惟

皇帝陛下化行禹貢德邁舜華五陟圓壇疊黃鍾太
簇之樂一新曠典續皇祐紹興之秋服位森羅篋寶

豐潔夙駕有霖淫之害齋宮開明概之祥聖格三靈
被來四表臣心休尋壑身阻陪祠記曩歲之執綏依
乘玉輅想蕭辰之鳴佩瞻仰金鷄臣無任

遺表

丁酉年病中所作
後七年而公薨

去天一紀每嗟遇合之難問路九原少駐斯湏之景
中謝伏念臣學雖是古材不瘠人蚤從事于龕官敢
纓情于好爵初無介紹獨被簡知立朝曾不二年輔
政乃周十月不敢懷姦而罔上但欲奉公而滅私犬
一吠形歷數秉鈞之罪言三成虎不無投杼之疑旋
昇輔藩久安祠祿園林勝而鐘鼓絕阡陌少而子孫

多家無餘財不啻心于斯事人有百行顧沒齒以何
稱伏望

皇帝陛下信任忠良聽從諫爭承顏盡孝以驩壽考
之無疆嘗瞻復讎少俟腥之有讐臣受恩弗報齋
恨奚言尚期結草之忠用展傾葵之素臣無任

盤洲文集卷第四十

